

華嚴疏鈔

C40  
4514  
(1)



60

1 2 3 4 5 6 7 8 9 70

1 2 3 4 5 6 7 8 9 80

1 2 3 4 5 6 7 8 9 90

C 40-46-14

丁翁上座讀大藏及有  
家書歸武州華嚴山  
我微笑塔院之府中永  
為學者不敢許出院內  
當山三藏鐵牛機導書



B 64863

# 大方廣佛華嚴經疏鈔卷四十一

于闐國三藏沙門實叉難陀

譯

清涼山大華嚴寺沙門澄觀撰述

十定品第二十七之一

佛子云何爲菩薩摩訶薩次第徧往諸佛國土神通  
三昧。佛子此菩薩摩訶薩過於東方無數世界。復過  
爾所世界微塵數世界。於彼諸世界中入此三昧。

疏第三定中釋內有三謂法喻合法中五一明徧  
利入定。

或利那入。或須臾入。或相續入。或日初分時入。或日

中分時入或日後分時入或夜初分時入或夜中分時入或夜後分時入或一日入或五日入或半月入或一月入或一年入或百年入或千年入或百千年入或億年入或百千億年入或百千那由他億年入或一劫入或百劫入或百千劫入或百千那由他億劫入或無數劫入或無量劫入或無邊劫入或無等劫入或不可數劫入或不可思稱劫入或不可思劫入或不可量劫入或不可說劫入或不可說不可說劫入。

疏二或利那下明入時次第。

若久若近若法若時種種不同。

疏三若久下總結多門。

菩薩於彼不生分別心無染著不作一不作不不作普不作別。

疏四菩薩於彼下心契定體。

雖離此分別而以神通方便從三昧起於一切法不忘不失至於究竟。

疏五雖離此下不廢起通。

譬如日天子周行照曜晝夜不住日出名晝日沒名夜晝亦不生夜亦不滅。

菩薩摩訶薩於無數世界入神通三昧。入三昧已現見爾所無數世界。亦復如是。

佛子。是爲菩薩摩訶薩第三次第徧往諸佛國七神通大三昧善巧智。佛子云何爲菩薩摩訶薩清淨深心行三昧。佛子此菩薩摩訶薩知諸佛身數等衆生。見無量佛過阿僧祇世界微塵數。

疏第四定中釋內分二。先明定內深心行。後明定起深心行。今初分二。先起行。後深心。前中先舉內於彼一一諸如來所以。一切種種妙香而作供養。以

一切種種妙華而作供養。以一切種種益大如阿僧祇佛利而作供養。以超過一切世界一切上妙莊嚴具而作供養。散一切種種寶而作供養。以一切種種莊嚴具莊嚴經行處而作供養。以一切無數上妙摩尼寶藏而作供養。以佛神力所流出過諸天上味飲食而作供養。一切佛利種種上妙諸供養具能以神力普皆攝取而作供養。

疏後於彼一一下起行。於中先明外事供養行。於彼一一諸如來所恭敬尊重頭頂禮敬舉身布施請問佛法讚佛平等稱揚諸佛廣大功德入於諸佛

所入大悲得佛平等無礙之力。於一念頃。一切佛所勤求妙法。

疏後於彼一一恭敬等三業供養行。

然於諸佛出興於世。入般涅槃。如是之相。皆無所得。疏然於諸佛下。明深心中二先法說。

如散動心了別所緣心起。不知何所緣起。心滅不知何所緣滅。此菩薩摩訶薩亦復如是。終不分別如來出世及涅槃相。

疏後如散動下。喻况於中二喻各有喻合。一忘念無知喻。喻其契實無念。

佛子。如日中陽燄。不從雲生。不從池生。不處於陸。不住於水。非有非無。非善非惡。非清非濁。不堪飲漱。不可穢汙。非有體。非無體。非有味。非無味。以因緣故。而現水相。爲識所了。遠望似水。而興水想。近之則無水。想自滅。此菩薩摩訶薩亦復如是。不得如來出興於世。及涅槃相。諸佛有相。及以無相。皆是想心之所分別。

疏二陽燄似水喻。喻其了妄同真文並可知。佛子。此三昧名爲清淨深心行。菩薩摩訶薩於此三昧。入已而起。起已不失。譬如有人從睡得寤。憶所夢。

撰述

齊賢頭錄卷四十一

四

事覺時雖無夢中境界。而能憶念。心不忘失。菩薩摩訶薩亦復如是。入於三昧。見佛聞法。從定而起。憶持不忘。而以此法開曉。一切道場衆會。莊嚴。一切諸佛國土。無量義趣。悉得明達。一切法門。皆亦清淨。然大智炬長。諸佛種無畏。具足辨才。不竭。開示演說。甚深法藏。

疏第二。佛子此三昧下。明定起深心行中。初法次喻。後合。合中上明供養自利行。今明聞演利他行。文影畧耳。聞演深理。卽深心起行也。

是爲菩薩摩訶薩第四。清淨深心行大三昧善巧智。

佛子云。何爲菩薩摩訶薩知過去莊嚴藏三昧。佛子。此菩薩摩訶薩能知過去諸佛出現。所謂劫次第中諸刹次第。刹次第中諸劫次第。劫次第中諸佛出現次第。佛出現次第中說法次第。說法次第中諸心樂次第。心樂次第中諸根次第。根次第中調伏次第。調伏次第中諸佛壽命次第。壽命次第中知億那由他年歲數量次第。

疏第五。定釋中有五一對境辨智。

佛子。此菩薩摩訶薩得如是無邊次第智故。則知過去諸佛。則知過去諸刹。則知過去法門。則知過去諸

劫。則知過去諸法。則知過去諸心。則知過去諸解。則知過去諸衆生。則知過去諸煩惱。則知過去諸儀式。則知過去諸清淨。

疏二正顯智知各有十句。皆是過去藏中之法。佛子此三昧名過去清淨藏於一念中。能入百劫能入千劫。能入百千劫。能入百千億那由他劫。能入無數劫。能入無量劫。能入無邊劫。能入無等劫。能入不可數劫。能入不可稱劫。能入不可思劫。能入不可量劫。能入不可說劫。能入不可說不可說劫。

疏三所知時分有十四重。卽釋過去之義。

佛子。彼菩薩摩訶薩入此三昧。不滅現在。不緣過去。疏四顯知相狀。不滅現在者。不捨也。不緣過去者。不取也。謂但約過去門顯。非有取捨而緣上四各一佛子。

佛子。彼菩薩摩訶薩從此三昧起。於如來所受十種不可思議灌頂法。亦得亦清淨。亦成就亦入。亦證亦滿。亦持。平等了知。三輪清淨。

疏五明出定獲益有三。初舉數辨相有十句。初句總位終成果名受灌頂法也。餘句別一屬已。二淨障。三究竟。四始入。五正證。六修滿。七持令不失。八

無知而知。九淨三輪。總該前九。如約智辨。三輪者謂無能知。所知及正知故。餘可思準。

何等爲十。一者辯不違義。二者說法無盡。三者訓詞無失。四者樂說不斷。五者心無恐畏。六者語必誠實。七者衆生所依。八者救脫三界。九者善根最勝。十者調御妙法。

疏一何等下。徵列其名。初四是四無礙辨。次二自利。不畏深法。如言能行。次二利他。爲善者依。爲惡者救。後二總明。二利勝妙。

佛子。此是十種灌頂法。若菩薩入此三昧。從三昧起。

無間則得。如歌羅邏入胎藏時。於一念間識則託生。菩薩摩訶薩亦復如是。從此定起於如來所。一念則得此十種法。

疏三佛子下。結得速疾。有法喻合。歌羅邏者。此云薄酪。餘可知也。鈔歌羅邏者。梵語唐言。俱是古義。新云羯刺藍。此云雜穢。

佛子。是名菩薩摩訶薩第五知過去莊嚴藏大三昧。善巧智。

佛子。云何爲菩薩摩訶薩智光明藏三昧。佛子。彼菩薩摩訶薩住此三昧。能知未來一切世界。一切劫中。

所有諸佛。

疏第六智光明藏三昧釋中分二。前明定業用。後彰定利益。初中分六。一總知諸佛。

若已說。若未說。若已授記。若未授記。種種名號。各各不同。所謂無數名。無量名。無邊名。無等名。不可數名。不可稱名。不可思名。不可量名。不可說名。

疏二若已說下。知多名號。

當出現於世。當利益衆生。當作法王。當興佛事。當說福利。當讚善義。當說白分義。當淨治諸惡。當安住功德。當開示第一義諦。當入灌頂位。當成一切智。

疏三當出現下。知當所作。

彼諸如來修圓滿行。發圓滿願。入圓滿智。有圓滿衆。備圓滿莊嚴。集圓滿功德。悟圓滿法。得圓滿果。具圓滿相。成圓滿覺。

疏四彼諸如來修下。明知彼因圓果滿。

彼諸如來名姓種族。方便善巧。神通變化。成熟衆生。入般涅槃。如是一切。皆悉了知。

疏五彼諸如來名姓下。知現所作。

此菩薩於一念中。能入一劫。百劫。千劫。百千劫。百千億那由他劫。入閻浮提微塵數劫。入四天下微塵數

撰述

垂露彌縫卷四十一

八

劫入小千世界微塵數劫。入中千世界微塵數劫。入大千世界微塵數劫。入百佛利微塵數劫。入百千佛利微塵數劫。入百千億那由他佛利微塵數劫。入無數佛利微塵數劫。入無量佛利微塵數劫。入無邊佛利微塵數劫。入無等佛利微塵數劫。入不可思佛利微塵數劫。入不可稱佛利微塵數劫。入不可思佛利微塵數劫。入不可量佛利微塵數劫。入不可思佛利微塵數劫。入不可說佛利微塵數劫。如是未來一切世界所有劫數能以智慧皆悉了知。

疏六此菩薩於一念下明知分齊其中大千卽是

佛刹而重言者多是遺脫應言百佛刹也餘並可知。

以了知故其心復入十種持門何者爲十所謂入佛持故得不可說佛利微塵數諸佛護念入法持故得十種陀羅尼光明無盡辨才入行持故出生圓滿殊勝諸願入力持故無能暎蔽無能摧伏入智持故所行佛法無有障礙入大悲持故轉於不退清淨法輪入差別善巧句持故轉一切文字輪淨一切法門地入師子受生法持故開法關鑰出欲淤泥入智力持故修菩薩行常不休息入善友力持故令無邊衆生

撰述

華嚴疏錄卷四十一

九

普得清淨。入無住力持故入不可說不可說廣大劫。入法力持故以無礙方便智知一切法自性清淨。疏二以了知下彰定利益於中四前二自利後二利他謂一令心入持益卽由上知故持之不失。由持不失得持之益。心中持佛得佛護益。一心入持法得總持辨才益餘句倣此有十二者增數十也。師子受生者不畏生死苦故示生死實性名開法關鑰。丁生死本空故出欲淤泥智力持者定慧雙運也。入無住力持則大劫不離一念。

佛子菩薩摩訶薩住此三昧已善巧住不可說不可

說劫善巧住不可說不可說刹善巧知不可說不可說種種衆生善巧知不可說不可說衆生異相善巧知不可說不可說同異業報善巧知不可說不可說精進諸根習氣相續差別諸行善巧知不可說不可說無量染淨種種思惟善巧知不可說不可說法種種義無量文字演說言辭善巧知不可說不可說種種佛出現種族時節現相說法施爲佛事入般涅槃善巧知不可說不可說無邊智慧門善巧知不可說不可說一切神通無量變現佛子譬如日出世間所有村營城邑宮殿屋宅山澤鳥獸樹林華果如是一

切種種諸物有目之人悉得明見。佛子。日光平等無有分別而能令目見種種相。此大三昧亦復如是。體性平等無有分別能令菩薩知不可說不可說百千億那由他差別之相。

疏二佛子至住此三昧下明得善巧益有法喻合然善巧有一一。如事善巧故法云不可說無量喻云見種種物一如理善巧故云日光平等又由此二無礙方名善巧故合云無分別而能知。

佛子此菩薩摩訶薩如是了知時令諸衆生得十種不空何等爲十。一者見不空令諸衆生生善根故二

者聞不空令諸衆生得成熟故二者同住不空令諸衆生心調伏故四者發起不空令諸衆生如言而作通達一切諸法義故五者行不空令無邊世界皆清淨故六者親近不空於不可說不可說佛刹諸如來所斷不可說不可說衆生疑故七者願不空隨所念衆生令作勝供養成就諸願故八者善巧法不空皆令得住無礙解脫清淨智故九者雨法雨不空於不可說不可說諸根衆生中方便開示一切智行令住佛道故十者出現不空現無邊相令一切衆生皆蒙照故。

疏三佛子至如是了知下明得不空益。

佛子菩薩摩訶薩住此三昧得十種不空時諸天王衆皆來頂禮諸龍王衆與大香雲諸夜叉王頂禮其足阿修羅王恭敬供養迦樓羅王前後圍繞諸梵天王悉來勸請緊那羅王摩睺羅伽王咸共稱讚乾闥婆王常來親近諸人王衆承事供養。

疏四佛子至住此三昧下十王敬養益。

佛子是爲菩薩摩訶薩第六智光明藏大三昧善巧智。

佛子云何爲菩薩摩訶薩了知一切世界佛莊嚴三

昧佛子此三昧何故名了知一切世界佛莊嚴。

疏第七三昧釋中二先明定體用後明定利益前中亦二先徵後釋所以重徵者前通徵一定此則別徵莊嚴。

佛子菩薩摩訶薩住此三昧能次第入東方世界能次第入南方世界西方北方四維上下所有世界悉亦如是能次第入。

疏後佛子菩薩下釋中二先釋一切世界以是現在故但云十方。

皆見諸佛出興於世亦見彼佛一切神力亦見諸佛

所有遊戲亦見諸佛廣大威德亦見諸佛最勝自在亦見諸佛大師子吼亦見諸佛所修諸行亦見諸佛種種莊嚴亦見諸佛神足變化亦見諸佛衆會雲集疏二皆見諸佛下釋其莊嚴於中二先總列十門皆是莊嚴其中第八別明莊嚴者卽功德智慧以嚴其心色相光明以嚴身也。

衆會清淨衆會廣大衆會一相衆會多相衆會處所衆會居止衆會成熟衆會調伏衆會威德如是一切悉皆明見。

疏後衆會清淨下別顯嚴相以廣前一一廣衆會

一廣莊嚴今初有三初明見他一見自二能見今初亦二初見衆會體相

亦見衆會其量大小等閻浮提亦見衆會等四天下亦見衆會等小千界亦見衆會等中千界亦見衆會量等三千大千世界亦見衆會充滿百千億那由他佛刹亦見衆會充滿阿僧祇佛刹亦見衆會充滿百佛刹微塵數佛刹亦見衆會充滿千佛刹微塵數佛刹亦見衆會充滿百千億那由他佛刹微塵數佛刹亦見衆會充滿無數佛刹微塵數佛刹亦見衆會充滿無量佛刹微塵數佛刹亦見衆會充滿無邊佛刹

撰述

華嚴疏卷四十一

身

微塵數佛利亦見衆會充滿無等佛利。微塵數佛利亦見衆會充滿不可數佛利。微塵數佛利亦見衆會充滿不可思佛利。微塵數佛利亦見衆會充滿不可思佛利。亦見衆會充滿不可思佛利。亦見衆會充滿不可思佛利。亦見衆會充滿不可思佛利。亦見衆會充滿不可思佛利。亦見衆會充滿不可思佛利。

疏次亦見衆會下明見分量。

亦見諸佛於彼衆會道場中示現種種相種種時種種國土種種變化種種神通種種莊嚴種種自在種形量種種事業。

疏後亦見諸佛於彼下見佛作用。

菩薩摩訶薩亦見自身往彼衆會亦自見身在彼說法亦自見身受持佛語亦自見身善知緣起亦自見身住在虛空亦自見身住於法身亦自見身不生不滅亦自見身不住分別亦自見身無有疲倦亦自見身普入諸智亦自見身普知諸義亦自見身普入諸地亦自見身普入諸趣亦自見身普知方便亦自見身普住佛前亦自見身普入諸力亦自見身普入真如亦自見身普入無諍亦自見身普入諸法。

疏二菩薩摩訶薩下明見自可知。

撰述

華嚴疏錄卷四十一

四

如是見時。不分別國土。不分別衆生。不分別佛。不分別法。不執著身。不執著身業。不執著心。不執著意。譬如諸法。不分別自性。不分別音聲。而自性不捨。名字不滅。菩薩摩訶薩亦復如是。不捨於行。隨世所作。而於此二無所執著。

疏三如是見時下明能見。有法喻合。法中明無分別而見。喻中明能所詮。不自云我是能所詮。而不捨能所詮。以喻無分別故而知也。合中先合不捨後而於下合不分別。

佛子。菩薩摩訶薩見佛無量光色無量形相。圓滿成

就平等清淨。一一現前分明證了。

疏一佛子至見佛無量光色下。廣上莊嚴中一二先以法說。後以喻顯。前中一二先標章門。畧舉四種莊嚴皆分明證了。

或見佛身種種光明。或見佛身圓光一尋。或見佛身如盛日色。或見佛身微妙光色。或見佛身作清淨色。或見佛身作黃金色。或見佛身作金剛色。或見佛身作紺青色。或見佛身作無邊色。或見佛身作大青摩尼寶色。

疏後或見佛身下。依章別釋。卽分爲四。一釋無量

## 光色

或見佛身其量七肘。或見佛身其量八肘。或見佛身其量九肘。或見佛身其量十肘。或見佛身二十肘量。或見佛身三十肘量。如是乃至一百肘量。一千肘量。或見佛身一俱盧舍量。或見佛身半由旬量。或見佛身一由旬量。或見佛身十由旬量。或見佛身百由旬量。或見佛身千由旬量。或見佛身百千由旬量。或見佛身闍浮提量。或見佛身四天下量。或見佛身小千界量。或見佛身中千界量。或見佛身大千界量。或見佛身百大千世界量。或見佛身千大千世界量。或見佛身百千大千世界量。或見佛身百千億那由他大千世界量。或見佛身無數大千世界量。或見佛身無量大千世界量。或見佛身無邊大千世界量。或見佛身無等大千世界量。或見佛身不可思大千世界量。或見佛身不可稱大千世界量。或見佛身不可說大千世界量。或見佛身不可量大千世界量。或見佛身不可說大千世界量。或見佛身不可說不可說大千世界量。

疏二或見佛身其量下釋無量形相。

佛子菩薩如是見諸如來無量色相。無量形狀。無量

撰述

華嚴疏錄卷四十一

示現無量光明。無量光明網。其光分量等於法界。於法界中無所不照。普令發起無上智慧。

疏三佛子菩薩如是見下。釋上圓滿成就顯前二圓滿故。

又見佛身無有染著。無有障礙。上妙清淨。

疏四又見佛下。釋上平等清淨。卽兼內二嚴。

佛子。菩薩如是見於佛身。而如來身不增不減。譬如虛空。於蟲所食芥子孔中亦不減小。於無數世界中亦不增廣。其諸佛身亦復如是。見大之時亦無所增。見小之時亦無所減。佛子。譬如月輪。闇浮提人見其清淨。

形小而亦不減。月中住者見其形大而亦不增。菩薩摩訶薩亦復如是。住此三昧。隨其心樂。見諸佛身種種化相。言辭演法。受持不忘。而如來身不增不減。佛子。譬如衆生命終之後。將受生時。不離於心所見清淨。菩薩摩訶薩亦復如是。不離於此甚深三昧所見清淨。

疏二佛子菩薩如是見於佛下。以喻顯中三。空無增減。喻法性身無可增減。空之大小在於世界。及於芥子。非空體然。如法性之身。應器成異。二月無增減。喻真常色身體不易。故證有近遠隨

心見殊前喻但喻佛身。此喻兼喻光色及圓滿成就三隨心現境喻。喻上清淨。菩薩心淨則見佛淨在於如來何淨何垢。

佛子。菩薩摩訶薩住此三昧。成就十種速疾法。何者爲十。所謂速增諸行圓滿大願。速以法光照耀世間。速以方便轉於法輪度脫衆生。速隨衆生業示現諸佛清淨國土。速以平等智趣入十力。速與一切如來同住。速以大慈力摧破魔軍。速斷衆生疑令生歡喜。速隨勝解示現神變。速以種種妙法言辭淨諸世間。疏第二佛子至住此三昧下。明定利益。畧舉七種

益。各有佛子以爲揀別。第一速成行願益。有標徵釋可知。

佛子。此菩薩摩訶薩復得十種法印。印一切法。何等爲十。一者同去來今。一切諸佛平等善根。二者同諸如來得無邊際智慧法身。三者同諸如來住不二法。四者同諸如來觀察三世無量境界。皆悉平等。五者同諸如來得了達法界無礙境界。六者同諸如來成就十力所行無礙。七者同諸如來永絕二行住無諍。八者同諸如來教化衆生恒不止息。九者同諸如來於智善巧。義善巧中能善觀察。十者同諸如來與

一切佛平等無二。

疏第二法印同佛益有十句五對。初二福慧同次二二諦境智同次二體用同次二二利同後二善巧平等同。

佛子。若菩薩摩訶薩成就此了知一切世界佛莊嚴大三昧善巧方便門。是無師者不由他教自入一切佛法故。是丈夫者能開悟一切衆生故。是清淨者知心性本淨故。是第一者能度脫一切世間故。是安慰者能開曉一切衆生故。是安住者未住佛種性者令得住故。是真實知者入一切智門故。是無異想者所

言無二故。是住法藏者誓願了知一切佛法故。是能雨法雨者隨衆生心樂悉令充足故。

疏第三以德成人益可知。

佛子。譬如帝釋於頂髻中置摩尼寶。以寶力故威光轉盛。其釋天王初獲此寶。則得十法。出過一切三十三天何等爲十一。者色相。二者形體。三者示現。四者眷屬。五者資具。六者音聲。七者神通。八者自在。九者慧解。十者智用。如是十種。悉過一切三十三天。菩薩摩訶薩亦復如是。初始獲得此三昧時。則得十種廣大智藏。何等爲十一。者照耀一切佛利智。二者知一

切衆生受生智。三者普作三世變化智。四者普入一切佛身智。五者通達一切佛法智。六者普攝一切淨法智。七者普令一切衆生入法身智。八者現見一切法普眼清淨智。九者一切自在到於彼岸智。十者安住一切廣大法普盡無餘智。

疏第四智德包含益於中二先喻後合各有十句。合中總標合初獲即得十句。合前十事。唯八九不次以智雖是一從所知別故。一佛刹合色相。二衆生合形體。三變化合示現。四入佛合眷屬。以互爲二王伴。如眷屬故。五通達佛法爲助道資具。六普攝

淨法則圓音示人。七皆令人法。方是神通。八普眼清淨。超合慧解。九自在却合自在。十住法合智用。佛子菩薩摩訶薩住此三昧。復得十種最清淨威德身。何等爲十。一者爲照耀不可說不可說世界故。放不可說不可說光明輪。二者爲令世界咸清淨故。放不可說不可說無量色相光明輪。三者爲調伏衆生故。放不可說不可說光明輪。四者爲親近一切諸佛故。化作不可說不可說身。五者爲承事供養一切諸佛故。雨不可說不可說種種殊妙香華雲。六者爲承事供養一切佛及調伏一切衆生故。於一一毛孔中。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

惡趣故以方便覺悟作佛事爲令衆生不失念故以夢中現相作佛事爲令衆生恒正念故以放大光明作佛事爲普攝取諸衆生故以修菩薩行作佛事爲令衆生住勝願故以成正等覺作佛事爲令衆生知幻法故以轉妙法輪作佛事爲衆說法不失時故以現住壽命作佛事爲調伏一切衆生故以示般涅槃作佛事知諸衆生起疲厭故。

疏第七轉作佛事益亦先牒前起後後徵列名相文並可知。

佛子是爲菩薩摩訶薩第七了知一切世界佛莊嚴

大三昧善巧智。疏鈔卷四十二

于闐國三藏沙門實叉難陀譯

信士鉢兆登捐資三兩六錢五分四釐刻此述  
定卷伏願先萍鄉心雲公早生淨土家孺人戴氏  
佛子益增純嘏男元錫潤長慧根者差別身三昧。佛

大方廣佛華嚴經疏鈔卷四十一 終

支那

經疏鈔卷四十一

七

銀

化作不可說不可說種種音樂。七者爲成熟衆生故現不可說不可說種種無量自在神變。八者爲於十方種種名號一切佛所請問法故一步超過不可說不可說世界。九者爲令一切衆生見聞之者皆不空故現不可說不可說種種無量清淨色相身無能見頂。十者爲與衆生開示無量秘密法故發不可說不可說音聲語言。

疏第五身威超勝益有標有釋。

佛子。菩薩摩訶薩得此十種最清淨威德身已能令衆生得十種圓滿。何等爲十一者能令衆生得見於佛。二者能令衆生深信於佛。三者能令衆生聽聞於法。四者能令衆生知有佛世界。五者能令衆生見佛神變。六者能令衆生念所集業。七者能令衆生定心圓滿。八者能令衆生入佛清淨。九者能令衆生發菩提心。十者能令衆生圓滿佛智。

疏第六令他圓滿益先牒前起後後徵列名相。佛子。菩薩摩訶薩令衆生得十種圓滿已復爲衆生作十種佛事。何等爲十。所謂以音聲作佛事爲成熟衆生故。以身形作佛事爲調伏衆生故。以憶念作佛事爲清淨衆生故。以震動世界作佛事爲令衆生離

撰述

華嚴疏抄卷四十二

三

現住益尊稱贈恩示賢聞靈慧牘昔故以示暇涅槃  
卷八頤表華濟少雲公早主華土未歸人彌凡  
許士贊共登昇資三兩六踰正念四蠻陵此一  
文並可知

### 大方廣佛華嚴經疏鈔卷四十二

大長人掌于閻國三藏沙門實叉難陀譯  
清涼山大華嚴寺沙門澄觀撰述  
十定品第二十七之三

佛子云何爲菩薩摩訶薩一切衆生差別身三昧。佛子。菩薩摩訶薩住此三昧得十種無所著何者爲十所謂於一切利無所著於一切方無所著於一切劫無所著於一切衆無所著於一切法無所著於一切菩薩無所著於一切菩薩願無所著於一切三昧無所著於一切佛無所著於一切地無所著是爲十。

疏第八。一切衆生差別身三昧。釋中分五。一明能入智。二顯入出之相。三明入定之益。四明境界自在。五總結究竟。今初由得十種無著。成後出入自在。一切地者。佛地菩薩地等。

佛子菩薩摩訶薩於此三昧云何入云何起。佛子菩薩摩訶薩於此三昧內身入外身起。外身入內身起。同身入異身起。異身入同身起。人身入夜叉身起。夜叉身入龍身起。龍身入阿修羅身起。阿修羅身入天身起。天身入梵王身起。梵王身入欲界身起。

疏二入出相中二先徵起後釋相於中先法後喻。

法中畧辨十類以表無盡。一諸類正報相對明入出。

天中入地獄起。地獄入人間起。人間入餘趣起。

疏二天中入下六趣依報明出入。

千身入一身起。一身入千身起。那由他身入一身起。一身入那由他身起。

疏三千身入下一多相對。

闍浮提衆生衆中入。西瞿陀尼衆生衆中起。西瞿陀尼衆生衆中入。北拘盧衆生衆中起。北拘盧衆生衆中入。東毘提訶衆生衆中起。東毘提訶衆生衆中入。

三天下衆生衆中起。三天下衆生衆中入。四天下衆生衆中起。四天下衆生衆中入。一切海差別衆生衆中起。一切海差別衆生衆中入。一切海神衆中起。

疏四闇浮提下四洲大海相對。

一切海神衆中入。一切海水大中起。一切海水大中入。一切海地大中起。一切海地大中入。一切海火大中起。一切海火大中入。一切海風大中起。一切海風大中入。一切四大種中起。一切四大種中入。無生法中起。無生法中入。妙高山中起。妙高山中入。七寶山中起。七寶山中入。一切地種種稼穡樹林黑山中起。

一切地種種稼穡樹林黑山中入。一切妙香華寶莊嚴中起。

疏五一切海神下。大種事法相對。其無生法乘四大種生。便故來。

一切妙香華寶莊嚴中入。一切四天下下方上方一切衆生受生中起。

疏六一切妙香華下。諸方相對。

一切四天下下方上方一切衆生受生中入。小千世界衆生衆中起。小千世界衆生衆中入。中千世界衆生衆中起。中千世界衆生衆中入。大千世界衆生衆

中起大千世界衆生衆中入百千億那由他三千大  
千世界衆生衆中起百千億那由他三千大千世界  
衆生衆中入無數世界衆生衆中起無數世界衆生  
衆中入無量世界衆生衆中起無量世界衆生衆中  
入無邊佛利衆生衆中起無邊佛利衆生衆中入無  
等佛利衆生衆中起無等佛利衆生衆中入不可數  
世界衆生衆中起不可數世界衆生衆中入不可稱  
世界衆生衆中起不可稱世界衆生衆中入不可思  
世界衆生衆中起不可思世界衆生衆中入不可量  
世界衆生衆中起不可量世界衆生衆中入不可說  
世界衆生衆中起不可說世界衆生衆中不可說  
不可說世界衆生衆中起  
疏七一切四天下下衆數多少相對  
不可說不可說世界衆生衆中入雜染衆生衆中起  
雜染衆生衆中入清淨衆生衆中起清淨衆生衆中  
入雜染衆生衆中起  
疏八不可說不可說衆生衆中入下染淨相對  
眼處入耳處起耳處入眼處起鼻處入舌處起舌處  
入鼻處起身處入意處起意處入身處起自處入他  
處起他處入自處起

世界衆生衆中起不可說世界衆生衆中不可說  
不可說世界衆生衆中起疏七一切四天下下衆數多少相對

不可說不可說世界衆生衆中入雜染衆生衆中起  
雜染衆生衆中入清淨衆生衆中起清淨衆生衆中  
入雜染衆生衆中起。  
疏八不可說不可說衆生衆中入下染淨相對。  
眼處入耳處起耳處入眼處起鼻處入舌處起舌處  
入鼻處起身處入意處起意處入身處起自處入他  
處起他處入自處起。

撰述

華嚴疏抄卷四十一

四

疏九眼處下諸界相對。

一微塵中入無數世界。微塵中起無數世界。微塵中入一微塵中起。聲聞入獨覺起。獨覺入聲聞起。自身入佛身起。佛身入自身起。一念入億劫起。億劫入一念起。同念入別時起。別時入同念起。前際入後際起。後際入前際起。前際入中際起。中際入前際起。三世入剎那起。剎那入三世起。真如入言說起。言說入真如起。

疏十一微塵下雜明諸類相對。謂龜細。凡聖念劫。真妄等。其入出等義如賢首品。

佛子譬如有人爲鬼所持。其身戰動不能自安。鬼不現身令他身然。菩薩摩訶薩住此三昧亦復如是。自身入定。他身起他身入定。自身起。

疏十二喻顯中有四喻。喻前十類各有法合。一鬼力持人喻。喻第一第四多約身故。

佛子譬如死屍以咒力故而能起行。隨所作事皆得成就。屍之與咒雖各差別而能和合成就。彼事菩薩摩訶薩住此三昧亦復如是。同境入定異境起。異境入定同境起。

疏第二咒起死屍喻。喻第二五六多約依報境故。

佛子。譬如比丘得心自在。或以一身作多身。或以多身作一身。非一身沒多身生。非多身沒一身生。菩薩摩訶薩住此三昧。亦復如是。一身入定。多身起。多身入定。一身起。

疏第三羅漢現通喻。喻第三第七多約數故。

佛子。譬如大地其味一種所生苗稼種種味別。地雖無差別。然味有殊異。菩薩摩訶薩住此三昧。亦復如是。無所分別。然有一種入定。多種起。多種入定。一種起。

疏第四地一苗多喻。喻後三門雜明種種故。喻合

相。暎文理自顯。

佛子。菩薩摩訶薩住此三昧。得十種稱讚法之所稱讚。何者爲十。所謂入真如故。名爲如來覺。一切法故。名之爲佛。爲一切世間所稱讚故。名爲法師。知一切法故。名一切智。爲一切世間所歸依故。名所依處。了達一切法方便故。名爲導師。引一切衆生入薩婆若道故。名大導師。爲一切世間燈故。名爲光明心志圓滿。義利成就所作皆辦。住無礙智。分別了知一切諸法故。名爲十力。自在通達一切法輪故。名一切見者。是爲十。

疏第三佛子至住此三昧下入定益中有三。一得讚同佛果益皆上句顯義下句結名。十力義中云心志圓滿者明力自利義。義利成就顯力利他所作皆辦彰力圓滿住無礙智總顯力體分別了知一切諸法通明力用餘文可知。

佛子菩薩摩訶薩住此三昧復得十種光明照耀何者爲十。所謂得一切諸佛光明與彼平等故。得一切世界光明普能嚴淨故。得一切衆生光明悉往調伏故。得無量無畏光明法界爲場演說故。得無差別光明知一切法無種種性故。得方便光明於一切法離欲際而證入故。得真實光明於一切法離欲際心平等故。得偏一切世間神變光明蒙佛所加恒不息故得善思惟光明到一切佛自在岸故。得一切法真如光明於一毛孔中善說一切故是爲十。

### 疏二身智光利益

佛子菩薩摩訶薩住此三昧復得十種無所作何者爲十。所謂身業無所作語業無所作意業無所作。神通無所作了法無性無所作知業不壞無所作無差別智無所作無生起智無所作知法無滅無所作隨順於文不壞於義無所作是爲十。

撰述

三藏疏錄卷四

四

疏三業用無作益皆有佛子文相並顯。

佛子菩薩摩訶薩住此三昧無量境界種種差別所謂一入多起多入一起同入異起異入同起細入龐起龐入細起大入小起小入大起順入逆起逆入順起無身入有身起有身入無身起無相入有相起有相入無相起起中入入中起如是皆是此之三昧自在境界

疏第四佛子至住此三昧無量境下明境界自在先法後喻今初前第二段但明入起今兼明逆順有無等爲種種境界起中入者卽用之寂故入中

起者卽寂之用故是知菩薩之定常入常起常雙出入常無入出方爲自在爲顯自在寄諸境界交絡而明鈔是知菩薩之定者結成難思若以定門觀則常入定以用門觀則常出定以用門觀則常起用實則動寂必俱故常雙入出矣然動靜唯物據其體極動靜斯亡故常無入起又入卽起故無入起卽入故無起若然何以經云龐細入起等故下釋云爲顯自在故寄諸境界交絡而明若云一入多起卽云自在若云無入無起何名自在常入常起自在之相亦然廣如賢首品辯

佛子譬如幻師持咒得成能現種種差別形相咒與幻別而能作幻咒唯是聲而能幻作眼識所知種種諸色耳識所知種種諸聲鼻識所知種種諸香舌識所知種種諸味身識所知種種諸觸意識所知種種境界菩薩摩訶薩住此三昧亦復如是同中入定異中起異中入定同中起

疏一喻顯中文有六喻皆自有合一幻現六境喻  
喻前同異

佛子譬如三十三天共阿修羅鬪戰之時諸天得勝修羅退衄阿修羅王其身長大七百由旬四兵圍繞無數千萬以幻術方將諸軍衆同時走入藕絲孔中菩薩摩訶薩亦復如是已善成就諸幻智地幻智即是菩薩菩薩卽是幻智是故能於無差別法中入定差別法中起差別法中入定無差別法中起

疏二修羅竄匿而喻前龐細大小二對約理事相望則無差別爲細差別爲龐理細事龐故或無差爲龐總相入故差別爲細別相入故無差則大周法界差則隨事成小若唯約事明大小並差別所收鈔若約理事等者由標云喻龐細大小二對及經合中云無差別中入定差別法中起等故爲

此釋於中先釋麁細後釋大小前中有二意取義雖異麁細是同前則理細事麁後則總麁別細別於一一事中而入理故則後對唯約理說無差則下釋上大小一對亦有二意初一事理對明大小若唯約事下唯就事明大小可知。

佛子譬如農夫田中下種種子在下果生於上菩薩摩訶薩住此三昧亦復如是一中入定多中起多中入定一中起。

疏三農夫下種喻喻明上下合辨一多文影畧耳。

佛子譬如男女赤白和合或有衆生於中受生爾時名爲歌羅邏位從此次第住母胎中滿足十月善業力故一切支分皆得成就諸根不缺心意明了其歌羅邏與彼六根體狀各別以業力故而能令彼次第成就受同異類種種果報菩薩摩訶薩亦復如是從一切智歌羅邏位信解願力漸次增長其心廣大任運自在無中入定有中起有中入定無中起。

疏四受胎生長喻喻上有身無身如彼從無之有故。

佛子譬如龍宮依地而立不依虛空龍依宮住亦不在空而能興雲徧滿空中有人仰視所見宮殿當知

撰述

金剛經卷四

皆是乾闥婆城。非是龍宮。佛子。龍雖處下。而雲布上。菩薩摩訶薩住此三昧。亦復如是。於無相入有相起。於有相入無相起。

疏五龍下雲上喻。喻有相無相。

佛子譬如妙光大梵天王所住之宮。名一切世間最勝清淨藏。此大宮中。普見三千大千世界。諸四天下。天宮龍宮。夜叉宮。乾闥婆宮。阿修羅宮。迦樓羅宮。緊那羅宮。摩睺羅伽宮。人間住處。及三惡道。須彌山等。種種諸山。大海江湖。陂澤泉源。城邑聚落。樹林衆寶。如是一切種種莊嚴。盡大輪圍。所有邊際。乃至空中。

微細遊塵。莫不皆於梵宮顯現。如於明鏡見其面像。菩薩摩訶薩住此一切衆生差別身大三昧。知種種利。見種種佛度。種種衆證。種種法成。種種行滿。種種解入。種種三昧。起種種神通。得種種智慧。住種種刹那際。

疏六梵宮普現喻。喻上入中起。起中入。及逆順相對。故合云種種。

佛子此菩薩摩訶薩到十種神通彼岸。何者爲十。所謂到諸佛盡虛空徧法界神通彼岸。到菩薩究竟無差別自在神通彼岸。到能發起菩薩廣大行願入如

來門佛事神通彼岸到能震動一切世界一切境界悉令清淨神通彼岸到能自在知一切衆生不思議業果皆如幻化神通彼岸到能自在知諸三昧龐細入出差別相神通彼岸到能勇猛入如來境界而於其中發生大願神通彼岸到能化作佛化轉法輪調伏衆生令生佛種令人佛乘速得成就神通彼岸到能了知不可說一切秘密文句而轉法輪令百千億那由他不可說不可說法門皆得清淨神通彼岸到不假晝夜年月劫數一念悉能三世示現神通彼岸是爲十。

疏第五佛子至到神通彼岸下總結究竟並顯可知

佛子是名菩薩摩訶薩第八一切衆生差別身大三昧善巧智

佛子云何爲菩薩摩訶薩法界自在三昧佛子此菩薩摩訶薩於自眼處乃至意處入三昧名法界自在疏第九法界自在三昧釋中四一顯定體用二明定成益三以喻寄顯四總結雙行今初分三初總顯名體謂於眼等法界得自在故菩薩於自身一一毛孔中入此三昧

疏二菩薩於自身下。彰入定處。謂於毛孔中入眼等定顯互用自在故。鈔謂於毛孔下。然常途所明互用者。但眼處能作耳處等事。耳處能作眼鼻事等。故六根互用。今約十八界明。則有數重之互。一諸根互。二分圓互。毛孔身根中分。能入眼等定故。三多互。謂一根頓作多根事故。四根境互。謂根入境定。如賢首品說。以此云法界必該十八界故。五復有一根入多境。一境入多根。六復有六識對境。以明互入等。

自然能知諸世間。知諸世間法。知諸世界。知億那由他世界。知阿僧祇世界。知不可說佛刹微塵數世界。

見一切世界中有佛出興。菩薩衆會悉皆充滿光明。清淨淳善無雜廣大莊嚴種種衆寶。以爲嚴飾。

疏三自然下。明定功用於中四。一了三世間。

菩薩於彼。或一劫百劫千劫億劫。百千億那由他劫。無數劫。無量劫。無邊劫。無等劫。不可數劫。不可稱劫。不可思劫。不可思劫。不可說劫。不可說不可說劫。不可說不可說佛刹微塵數劫。修菩薩行。常不休息。

疏二菩薩於彼下。多劫修行。

又於如是無量劫中。住此三昧。亦入亦起。亦成就世

撰述

聖嚴疏金卷四十一

界亦調伏衆生。亦徧了法界。亦普知三世。亦演說諸法。亦現大神通種種方便。無著無礙。

疏三又於下入出無礙。

以於法界得自在故。善分別眼。善分別耳。善分別鼻。善分別舌。善分別身。善分別意。如是種種差別。不同悉善分別。盡其邊際。

疏四以於法界下結成自在。此有一義。一於理法界自在故。能善分別眼等界。二善分別眼等十八界。卽是事法界自在。此二無礙。及事事無礙。故云如是種種皆橫盡其邊。豈窮其際。

菩薩如是善知見已。能生起十千億陀羅尼法光明。成就十千億清淨行。獲得十千億諸根圓滿。十千億神通。能入十千億三昧。成就十千億神力。長養十千億諸力。圓滿十千億深心。運動十千億力持。示現十千億神變。具足十千億菩薩無礙圓滿。十千億菩薩助道。積集十千億菩薩藏。照明十千億菩薩方便。演說十千億諸義。成就十千億諸願。出生十千億迴向。淨治十千億菩薩正位。明了十千億法門。開示十千億演說修治。十千億菩薩清淨。

疏第二菩薩如是下明定成益中辨十重益。一生

多功德益。有二十一句。各十千億。

佛子。菩薩摩訶薩。復有無數功德。無量功德。無邊功德。無等功德。不可數功德。不可稱功德。不可思功德。不可量功德。不可說功德。無盡功德。不可稱功德。不可思功德。如是功德。皆已辦具。皆已積集。皆已莊嚴。皆已清淨。皆已瑩徹。皆已攝受。皆能出生。皆可稱歎。皆得堅固。皆已成就。

疏一。佛子至復有無數下。具無盡德益。隨前一事。皆至無盡故。於中二十句。前十句所具之多。後十句能具之相。清淨者。除垢故。瑩徹者。發本智光故。

佛子。菩薩摩訶薩。住此三昧。爲東方十千阿僧祇佛刹。微塵數名號諸佛之所攝受。一一名號復有十千阿僧祇佛刹。微塵數佛。各各差別。如東方。南西北方。四維上下。亦復如是。

疏三。佛子至住此三昧下。諸佛攝受益於中二。初明攝受。

彼諸佛悉現其前。爲現諸佛清淨刹。爲說諸佛無量身。爲說諸佛難思眼。爲說諸佛無量耳。爲說諸佛清淨鼻。爲說諸佛清淨舌。爲說諸佛無住心。爲說如來無上神通。

撰述

華嚴疏金卷四十一

五

珍

疏次彼諸佛下現身說法。

令修如來無上菩提令得如來清淨音聲開示如來不退法輪顯示如來無邊衆會令入如來無邊秘密讚歎如來一切善根令入如來平等之法宣說如來三世種性示現如來無量色相闡揚如來護念之法演暢如來微妙法音辨明一切諸佛世界宣揚一切諸佛三昧示現諸佛衆會次第護持諸佛不思議法說一切法猶如幻化明諸法性無有動轉開示一切無上法輪讚美如來無量功德令入一切諸三昧雲令知其心如幻如化無邊無盡

疏後令修下令其修證。

佛子菩薩摩訶薩住此法界自在三昧時彼十方各十千阿僧祇佛利微塵數名號如來一一名中各有十千阿僧祇佛利微塵數佛同時護念令此菩薩得無邊身令此菩薩得無礙心令此菩薩於一切法得無忘念令此菩薩於一切法得決定慧令此菩薩轉更聰敏於一切法皆能領受令此菩薩於一切法悉能明了令此菩薩諸根猛利於神通法悉得善巧令此菩薩境界無礙周行法界恒不休息令此菩薩得無礙智畢竟清淨令此菩薩以神通力一切世界示

撰述

華嚴疏妙卷四十一

六

珍

## 現成佛

疏四佛子至住此法界下。諸佛護念益攝受攝之屬佛護念卽佛力來加。

佛子。菩薩摩訶薩住此三昧。得十種海。何者爲十。所謂得諸佛海。咸覩見故。得衆生海。悉調伏故。得諸法海。能以智慧悉了知故。得諸刹海。以無性無作神通。皆往詣故。得功德海。一切修行。悉圓滿故。得神通海。能廣示現。令開悟故。得諸根海。種種不同。悉善知故。得諸心海。知一切衆生種種差別無量心故。得諸行海。能以願力。悉圓滿故。得諸願海。悉使成就。永清淨。

故

## 疏五得十海深廣益

佛子。菩薩摩訶薩。得如是十種海已。復得十種殊勝。何等爲十。一者於一切衆生中最爲第一。二者於一切諸天中最爲殊特。三者於一切梵王中最極自在。四者於諸世間無所染著。五者一切世間無能曠蔽。六者一切諸魔不能惑亂。七者普入諸趣無所罣礙。八者處處受生知不堅固。九者一切佛法皆得自在。十者一切神通悉能示現。

疏六得殊勝超絕益。並可知。

佛子。菩薩摩訶薩。得如是十種殊勝已。復得十種力。於衆生界。修習諸行。何等爲十。一謂勇健力。調伏世間故。二謂精進力。恒不退轉故。三謂無著力。離諸垢染故。四謂寂靜力。於一切法無諍論故。五謂逆順力。於一切法心自在故。六謂法性力。於諸義中得自在故。七謂無礙力。智慧廣大故。八謂無畏力。能說諸法故。九謂辨才力。能持諸法故。十謂開示力。智慧無邊故。

### 疏七得諸力幹能益於中初列十力

佛子。此十種力。是廣大力。最勝力。無能摧伏力。無量力。善集力。不動力。堅固力。智慧力。成就力。勝定力。清淨力。極清淨力。法身力。法光明力。法燈力。法門力。無能壞力。極勇猛力。大丈夫力。善丈夫修習力。成正覺力。過去積集善根力。安住無量善根力。住如來力力。心思惟力。增長菩薩歡喜力。出生菩薩淨信力。增長菩薩勇猛力。菩提心所生力。菩薩清淨深心力。菩薩殊勝深心力。菩薩善根熏習力。究竟諸法力。無障礙身力。入方便善巧法門力。清淨妙法力。安住大勢一切世間不能傾動力。一切衆生無能暎蔽力。

疏後佛子。此十種力下。顯其超勝。隨前一一力。皆

撰述

華嚴疏鈔卷四十二

六

珍

具此三十八力。

佛子。此菩薩摩訶薩於如是無量功德法能生能成就能圓滿能照明能具足能偏具足能廣大能堅固能增長能淨治能偏淨治。

疏八佛子此菩薩下結能圓滿益。

此菩薩功德邊際。智慧邊際。修行邊際。法門邊際。自在邊際。苦行邊際。成就邊際。清淨邊際。出離邊際。法自有邊際。無能說者。此菩薩所獲得所成就所趣入。所現前所有境界。所有觀察。所有證入。所有清淨。所有了知。所有建立。一切法門於不可說劫。無能說盡。

疏九此菩薩功德下。自德無邊故。他不能說益。

佛子。菩薩摩訶薩住此三昧。能了知無數無量無邊無等不可數不可稱不可思不可量不可說不可說。不可說一切三昧。彼一一三昧。所有境界。無量廣大。於境界中。若入。若起。若住。所有相狀。所有示現。所有行處。所有等流。所有自性。所有除滅。所有出離。如是一切靡不見。

疏十佛子至住此三昧下。三昧無邊。自無不了益。上十段中。前七別明。後三總結。

佛子譬如無熱惱大龍王宮。流出四河。無濁無雜。無

撰述

華嚴疏金剛經

卷四

三

有垢穢光色清淨。猶如虛空。其池四面。各有一口。一  
口中流出一河。於象口中。出恒伽河。師子口中。出  
私陀河。於牛口中。出信度河。於馬口中。出縛芻河。其  
四大河流出之時。恒伽河口。流出銀沙。私陀河口。流  
出金剛沙。信度河口。流出金沙。縛芻河口。流出瑠璃  
沙。恒伽河口。作白銀色。私陀河口。作金剛色。信度河  
口。作黃金色。縛芻河口。作瑠璃色。一河口廣一由  
旬。其四大河。既流出已。各共圍繞大池七匝。隨其方  
面。四向分流。湧涌奔馳。入於大海。其河旋繞。一一之  
間。有天寶所成優鉢羅華。波頭摩華。拘物頭華。芬陀

利華。奇香發越。妙色清淨。種種華葉。種種臺蕊。悉是  
衆寶自然映徹。咸放光明。互相照現。其無熱池。周圍  
廣大。五十由旬。衆寶妙沙。徧布其底。種種摩尼。以爲  
嚴飾。無量妙寶。莊嚴其岸。旃檀妙香。普散其中。優鉢  
羅華。波頭摩華。拘物頭華。芬陀利華。及餘寶華。皆悉  
徧滿。微風吹動。香氣遠徹。華林寶樹。周匝圍繞。日光  
出時。普皆照明。池河內外。一切衆物。接影連輝。成光  
明網。如是衆物。若遠若近。若高若下。若廣若狹。若龐  
若細。乃至極小一沙一塵。悉是妙寶光明。鑒徹靡不  
於中。日輪影現。亦復展轉更相現影。如是衆影。不曾

不減非合非散。皆如本質。而得明見。

疏第三喻顯中。正顯前體用及益。亦明前所未顯。故不全似上文。文中二先總舉喻體。

佛子。如無熱大池。於四口中。流出四河。入於大海。菩薩摩訶薩亦復如是。從四辯才。流出諸行。究竟入於一切智海。

疏後佛子。如無熱下。對喻別合有十三門。各先喻後合。一合流沙入海喻中。先總明喻合。雖舉四河。意在四口出沙。故下第九別明四河。

如恒伽大河。從銀色象口。流出銀沙。菩薩摩訶薩亦

復如是以義辯才。說一切如來所說一切義門。出生一切清淨白法。究竟入於無礙智海。如私陀大河。從金剛色師子口。流出金剛沙。菩薩摩訶薩亦復如是以法辯才。爲一切衆生。說佛金剛句。引出金剛智。究竟入於無礙智海。如信度大河。從金色牛口。流出金沙。菩薩摩訶薩亦復如是以訓詞辯說。隨順世間緣起方便。開悟衆生。令皆歡喜。調伏成熟。究竟入於緣起方便海。如縛芻大河。於瑠璃色馬口。流出瑠璃沙。菩薩摩訶薩亦復如是以無盡辯。雨百千億那由他不可說法。令其聞者。皆得潤洽。究竟入於諸佛法海。

疏後如恒伽下。別明四辯。卽喻四口。所說卽喻四沙。若開四辯。總別爲五。則有十七門。

如四大河隨順圍繞無熱池已。四方入海。

疏二如四大河下。合繞池入海喻於中先喻後合。菩薩摩訶薩亦復如是。成就隨順身業。隨順語業。隨順意業。成就智爲前導身業。智爲前導語業。智爲前導意業。四方流注。究竟入於一切智海。佛子。何者名爲菩薩四方佛子。所謂見一切佛而得開悟。聞一切法受持不忘。圓滿一切波羅蜜行。大悲說法。滿足衆生。

疏合中先合遶池。菩提心志。名之爲池。二業隨順智慧。卽爲遶義。後佛子下。合其四方。

如四大河圍繞大池。於其中間。優鉢羅華。波頭摩華。拘物頭華。芬陀利華。皆悉徧滿。菩薩摩訶薩亦復如是。於菩提心中間。不捨衆生。說法調伏。悉令圓滿。無量三昧。見佛國土莊嚴清淨。

疏三如四大河圍遶下。合池間寶華喻。說法有開敷之義。三寶有因果之能。莊嚴清淨。皆華上之別義。

如無熱大池。寶樹圍遶。菩薩摩訶薩亦復如是。現佛

撰述

華嚴疏錄卷四十一

三

國土莊嚴圍遶。令諸衆生趣向菩提。

疏四合寶樹達池喻。

如無熱大池。其中縱廣五十由旬。清淨無濁。菩薩摩訶薩亦復如是。菩提之心。其量無邊。善根充滿。清淨無濁。

疏五合大池清淨喻。卽是池體。

如無熱大池。以無量寶莊嚴其岸。散旃檀香。徧滿其中。菩薩摩訶薩亦復如是以百千億十種智寶嚴菩提心大願之岸。普散一切衆善妙香。

疏六合旃檀香岸喻。十種智寶有一義。一卽離世

間中七種如寶智。二卽他心等十種智也。

如無熱大池底布金沙種種摩尼間錯莊嚴。菩薩摩訶薩亦復如是。微妙智慧周徧觀察。不可思議。菩薩摩解脫種種法寶。間錯莊嚴得一切法無礙光明。住於一切諸佛所住。入於一切甚深方便。

疏七合底布金寶喻。妙智合金沙解脫合摩尼。無礙光明合二種放光。住佛所住。入於甚深。合布其底上。四段各以無熱大池爲首。

如阿那婆達多龍王。永離龍中所有。熱惱菩薩摩訶薩亦復如是。永離一切世間憂惱。蛇現受生。而無染

撰述

華嚴疏妙卷四十一

三

珍

著

疏八如阿那下。合龍王無惱喻。卽合池名。名因龍得故。

如四大河潤澤一切闇浮提地。旣潤澤已。入於大海。菩薩摩訶薩亦復如是以四智河潤澤天人沙門婆羅門。令其普入阿耨多羅三藐三菩提智慧大海。以四種力而爲莊嚴。何者爲四。一者願智河。救護調伏一切衆生。常不休息。二者波羅蜜智河。修菩提行。饒益衆生。去來今世。相續無盡。究竟入於諸佛智海。三者菩薩三昧智河。無數三昧。以爲莊嚴。見一切佛。入海。

疏九合四河潤澤喻。

如四大河從無熱池旣流出已。究竟無盡入於大海。菩薩摩訶薩亦復如是以大願力修菩薩行。自在知見。無有窮盡。究竟入於一切智海。

疏十合四河無盡喻。

如四大河入於大海。無能爲礙。令不入者。菩薩摩訶薩亦復如是。常勤修習。普賢行願。成就一切智慧光。

撰述

華嚴疏錄卷四十一

三

珍

明住於一切佛菩提法。入如來智。無有障礙。

疏十一合入海無障喻。

如四大河奔流入海。經於累劫。亦無疲厭。菩薩摩訶薩亦復如是以普賢行願。盡未來劫修菩薩行。入如來海。不生疲厭。

疏十二合入海無厭喻。上之四喻各以如四大河而爲喻首。上之十喻皆以菩薩而爲合初。

佛子。如日光出時。無熱池中金沙銀沙金剛沙。瑠璃沙。及餘一切種種寶物。皆有日影。於中顯現。其金沙等。一切寶物。亦各展轉而現。其影互相鑒徹。無所妨

疑。

疏十三佛子如日光下合衆寶交影喻。先喻後合。菩薩摩訶薩亦復如是。住此三昧。於自身一一毛孔中。悉見不可說不可說佛刹微塵數諸佛如來。亦見彼佛所有國土道場衆會。一一佛所聽法受持信解供養。各經不可說不可說億那由他劫。而不想念時節長短。其諸衆會亦無迫隘。何以故。以微妙心入無邊法界故。入無等差別業果故。入不思議三昧境界故。入不思議思惟境界故。入一切佛自在境界故。得一切佛所護念故。得一切佛大神變故。得諸如來難

得難知十種力故。入普賢菩薩行圓滿境界故。得一切佛無勞倦神通力故。

疏合中二先正合後何以下徵釋涉入所由。

佛子菩薩摩訶薩雖能於定一念入出而亦不廢長時在定亦無所著雖於境界無所依住而亦不捨一切所緣雖善入刹那際而爲利益一切衆生現佛神通無有厭足雖等入法界而不得其邊雖無所住無有處所而恒趣入一切智道以變化力普入無量衆生衆中具足莊嚴一切世界雖離世間顛倒分別超過一切分別之地亦不捨於種種諸相雖能具足方便善巧而究竟清淨雖不分別菩薩諸地而皆已善入佛子譬如虛空雖能容受一切諸物而離有無菩薩摩訶薩亦復如是雖普入一切世間而離世間想雖勤度一切衆生而離衆生想雖深知一切法而離諸法想雖樂見一切佛而離諸佛想雖善入種種三昧而知一切法自性皆如無所染著雖以無邊辨才演無盡法句而心恒住離文字法雖樂觀察無言說法而恒示現清淨音聲雖住一切離言法際而恒示現種種色相雖教化衆生而知一切法畢竟性空雖勤修大悲度脫衆生而知衆生界無盡無散雖了達

撰述

華嚴疏錄卷四十二

三

法界常住不變。而以三輪調伏衆生。恒不休息。雖常安住如來所住。而智慧清淨。心無怖畏。分別演說種種諸法。轉於法輪。常不休息。

疏第四佛子至雖能於定下。總結雙行。謂權實定散。無障礙故。於中三先法。次佛子下喻。後菩薩下合。然法中明卽寂而用。喻合乃明卽用而寂。文影畧耳。

佛子是爲菩薩摩訶薩第九法界。自在大三昧善巧智。

仁和信士張又良捐資參兩捌錢貳分刻此

### 一卷伏願

疏鈔卷四十二

祖考張大政祖妣俞氏徐氏先考張繹思先妣卓氏繼母吳氏入法界而處處受生。悟菩提而塵塵解脫。現存獲福綿亘無疆。

大方廣佛華嚴經疏鈔卷四十二 終

支那

華嚴疏鈔卷四十二

三

卷

撰述

華嚴疏抄卷四十三

## 大方廣佛華嚴經疏鈔卷四十三

于闐國三藏沙門實叉難陀譯

清涼山大華嚴寺沙門澄觀撰述

十定品第二十七之四

佛子云何爲菩薩摩訶薩無礙輪三昧。

疏第十無礙輪三昧亦初徵次釋後結。

佛子菩薩摩訶薩入此三昧時住無礙身業無礙語業無礙意業住無礙佛國土得無礙成就衆生智獲無礙調伏衆生智放無礙光明現無礙光明網示無礙廣大變化轉無礙清淨法輪得菩薩無礙自在。

疏釋中三。初明入時方便。一。佛子菩薩摩訶薩住此三昧已下。明入已智用。二。佛子菩薩摩訶薩入普賢所住下。定滿成益。今初有一十二句。兼顯定名。初十一句。因用無礙。是無礙義。後普入下有十一句。住果圓滿。即是輪義。今初段中。卽此無礙。無所不摧。亦卽輪義。初三句。二業無礙。次句。器世間無礙。次一句。衆生世間無礙。餘句。智正覺無礙。普入諸佛力。普住諸佛智。作佛所作。淨佛所淨。現佛神通。令佛歡喜。行如來行。住如來道。常得親近無量諸佛。作諸佛事。紹諸佛種。

四十三

疏後住果中。一。智通權實。故云普住。二。作利樂事。四。淨二障種。七智契佛境。餘七可知。鈔二智通者。此有十一句。但指一二三四七四句釋之。故云餘七可知。

佛子菩薩摩訶薩住此三昧已。觀一切智。總觀一切智。別觀一切智。隨順一切智。顯示一切智。攀緣一切智。見一切智。總見一切智。別見一切智。疏第一。入已智用中。四。第一攝佛功德。二證入諸法。三普德無盡。四結示勸修。初中卽攝如來二十種殊勝功德。以此位等佛故。其間或全同佛相。

撰述

圭臘疏金卷四

三

或有約因相似。而次第無差。於中三初總明妙悟。皆滿。次別顯二十一德。後顯德勝能。今初十句。初句標滿時。餘九顯滿相然。一切智。若對種智。即是根本。若直語佛智。則通權實。今此顯通於中。初三句始觀。言觀一切智者。標也。云何觀。觀有一種。一總觀。謂權實齊觀故。二別觀。此是實。此是權。權中有多差別。皆審照了故。次三句中順。亦初句標次云何隨順。由前總觀故。頓能顯示。由前別觀故。各各攀緣。後三句終契釋。同前觀。但由前觀察。今證見分。明耳。鈔初三句者。以妙悟皆滿是佛。今

就等覺。故云觀順。據觀據順。故名菩薩。據二句見卽名爲佛耳。皆等覺之義。

於普賢菩薩廣大願。廣大心。廣大行。廣大所趣。廣大道。

疏一於普賢下。別明一千一種功德。分二十段。後二合故。今初第一明。一。行永絕。卽於所知一向無障轉功德。然有一義。一。謂非如二乘有無智故。二。不同。凡夫現行生死起諸雜染。不同。二乘現行涅槃葉利樂事。世尊無彼。今菩薩亦無。文中廣顯利

樂卽不同二乘。皆與智俱卽不同凡夫。就文分二。  
 先總明大用常恒。二佛子此菩薩有一蓮華下。別  
 顯一用。前中二先法說後喻明。今初法說中二先  
 正明後微釋。今初光明行體。鈔卽於所知者。卽  
 攝論無著立名。然有一義下釋初義。卽無性釋無  
 著義。後意乃是佛地論親光所釋。疏家順經。但取  
 親光所解消文。不斷不退無休無替。無倦無捨。無散無亂。常增進恒  
 相續。

疏後不斷下辨常恒。

何以故。此菩薩摩訶薩於諸法中。成就大願。發行大  
 乘。入於佛法大方便海。以勝願力。於諸菩薩所行之  
 行。智慧明照。皆得善巧。具足菩薩神通變化。善能護  
 念一切衆生。如去來今。一切諸佛之所護念。於諸衆  
 生。恒起大悲。成就如來不變異法。

疏二微釋中微意云。何以得此智滿行常。釋意云  
 願行善成。智慧善巧故。  
 佛子譬如有人。以摩尼寶置色衣中。其摩尼寶雖同  
 衣色。不捨自性。

疏第一喻顯中四。初喻一合。二微。四釋。今初摩尼

撰述

華嚴疏鈔卷四十二 四

寶置色衣中。卽總喻菩薩心智置佛智中。雖同衣色。喻前智滿十句。故合云觀一切智等。不捨自性。喻前行常二十句。

菩薩摩訶薩亦復如是。成就智慧以爲心寶。觀一切智普皆明現。然不捨於菩薩諸行。

疏二合如喻辨。

何以故。

疏三徵意云。何得已能滿智而不斷行耶。

菩薩摩訶薩發大誓願。利益一切衆生。度脫一切衆生。承事一切諸佛。嚴淨一切世界。安慰衆生。深入法

海。爲淨衆生界。現自在。給施衆生。普照世間。入於無邊幻化法門。不退不轉。無疲無厭。

疏四釋意云。菩薩無障礙願。法應爾故。窮盡生界。益無疲故。文中二先法說可知。

佛子。譬如虛空持衆世界。若成若住。無厭無倦。無羸無朽。無散無壞。無變無異。無有差別。不捨自性。何以故。虛空自性。法應爾故。菩薩摩訶薩亦復如是。立無量大願度一切衆生。心無厭倦。

疏後轉以喻况於中三喻。皆喻利生無厭。各有法合。一虛空持利喻。喻大願法爾故無厭。

撰述

華嚴疏卷四十三

五

佛子。譬如涅槃。去來現在無量衆生於中滅度。終無厭倦。何以故。一切諸法本性清淨。是謂涅槃。云何於中而有厭倦。菩薩摩訶薩亦復如是。爲欲度脫一切衆生。皆令出離而現於世。云何而起疲厭之心。

疏二涅槃普滅。喻。喻爲淨衆生故無厭。上二喻悲。佛子。如薩婆若。能令過去未來現在一切菩薩。於諸佛家已現當生。乃至令成無上菩提。終無疲厭。何以故。一切智與法界無二。故於一切法無所著。故菩薩摩訶薩亦復如是。其心平等。住一切智。云何而有疲厭之心。

疏三佛智普成喻。喻能所不二。故無厭。此一喻。智旣非愛見之悲。何有厭乎。

佛子。此菩薩摩訶薩。有一蓮華。其華廣大。盡十方際。以不可說葉。不可說寶。不可說香。而爲莊嚴。其不可說寶。復各示現種種衆寶。清淨妙好。極善安住。其華常放衆色光明。普照十方。一切世界。無所障礙。真金爲網。彌覆其上。寶鐸徐搖。出微妙音。其音演暢。一切智法。

疏第一別顯。一用中二初明。依果殊勝。後菩薩摩訶薩於此華下。正報自在。前中二先明相嚴。過前

撰述

華嚴疏金卷四十三

九

十地故窮十方際。鈔過前十地者。十地花云量等百萬三千大千世界故。今盡十方知是過也。上十信及十地蓮華亦不言葉數。今葉等皆不可說。明是等覺之依報也。

此大蓮華具足如來清淨莊嚴。一切善根之所生起。吉祥爲表。神力所現。有十千阿僧祇清淨功德。菩薩妙道之所成就。一切智心之所流出。十方佛影於中顯現。世間瞻仰。猶如佛塔。衆生見者。無不禮敬。從能了幻正法所生。一切世間不可爲喻。

疏後此大蓮華下辨德嚴。自內而觀。量周法界。自

外而觀。許衆生見。此乃卽小之大也。  
菩薩摩訶薩於此華上結跏趺坐。其身大小與華相稱。

疏二正報中二初明身量大小。

一切諸佛神力所加。令菩薩身一一毛孔各出百萬億那由他不可說佛刹微塵數光明。一一光明現百萬億那由他不可說佛刹微塵數摩尼寶。其寶皆名普光明藏。種種色相以爲莊嚴。無量功德之所成就。衆寶及華以爲羅網彌覆其上。散百千億那由他殊勝妙香。無量色相種種莊嚴。復現不思議寶莊嚴益。

撰述

華嚴疏卷四十三

理

以覆其上。一一摩尼寶悉現百萬億那由他不可說佛利微塵數樓閣。一一樓閣現百萬億那由他不可說佛利微塵數蓮華歲師子之座。一一師子座現百萬億那由他不可說佛利微塵數光明。一一光明現百萬億那由他不可說佛利微塵數色相。一一色相現百萬億那由他不可說佛利微塵數光明輪。一一光明輪現百萬億那由他不可說佛利微塵數毘盧遮那摩尼寶華。一一華現百萬億那由他不可說佛利微塵數臺。一一臺現百萬億那由他不可說佛利微塵數佛。一一佛現百萬億那由他不可說佛利微塵數神變。一一神變淨百萬億那由他不可說佛利微塵數衆生衆。一一衆生衆中現百萬億那由他不可說佛利微塵數諸佛自在。一一自在雨百萬億那由他不可說佛利微塵數佛法。一一佛法有百萬億那由他不可說佛利微塵數修多羅。一一修多羅說百萬億那由他不可說佛利微塵數法門。一一法門有百萬億那由他不可說佛利微塵數金剛智所入法輪。差別言辭各別演說。一一法輪成熟百萬億那由他不可說佛利微塵數衆生界。一一衆生界有百萬億那由他不可說佛利微塵數衆生於佛法中而

撰述

華嚴疏鈔卷四十三

得調伏。

疏後一切諸佛下明佛加放光有一千重後後重中皆倍前前百萬億那由他不可說佛刹微塵數倍則數難量矣。

佛子菩薩摩訶薩住此三昧示現如是神通境界無量變化悉知如幻而不染著。

疏第二佛子菩薩至住此三昧下明達無相法卽同諸如來於最清淨真如能入功德初結前生後達無相故不染。

安住無邊不可說法自性清淨法界實相如來種性

無礙際中無去無來非先非後甚深無底現量所得以智自入不由他悟心不迷亂亦無分別。

疏後安住下正顯安住卽是入義謂此真如非有非無故云無邊定有定無卽是邊故不可說法卽離言真如其法界實相及無礙際皆真如異名而云如來種性者諸佛以無性真如而爲性故出現品云皆同一性所謂無性法華云知法常無性佛種從緣起無去來等重顯真如卽是中道故深無底現量已下別明能入之義鈔謂此真如下釋文先釋無邊故經云無相者無有無等相故卽無

有無二邊之義。言不可說。卽離言真如者。真如有二。一安立真如。謂真實如常。寄言顯故。二離言真如。故起信云。心真如者。卽是一法界大總相法門體。所謂心性不生不滅。一切諸法唯依妄念而有差別。若離心念。卽無一切境界之相。是故一切法從本已來。離言說相。離名字相。離心緣相。畢竟平等。無有變異。不可破壞。唯是一心。故名真如。以一切言說假名無實。但隨妄念。不可得故。言真如者亦無有相。謂言說之極。因言遣言。此真如體。無有可遣。以一切法悉皆真故。亦無可立。以一切法皆

同如故。當知一切法不可說。不可念。故名真如。釋曰。此卽離言真如意也。次下論文云。復次真如依言說分別有二種義。何者爲二。二者如實空。以能究竟顯實故。一者如實不空。以有自體。具足無漏性功德故。釋曰。上卽依言真如也。法華云。下此義玄中已引。今是義引。若具云。諸佛兩足尊。知法常無性。佛種從緣起。是故說一乘。無去無來者。中道非唯非有。非無。非斷。非常等。皆中道義。爲去來。今一切諸佛之所稱讚。從諸佛力之所流出。入於一切諸佛境界。體性如實。淨眼現證。慧眼普見。

成就佛眼爲世明燈行於智眼所知境界廣能開示微妙法門。

疏第三爲去來今下明住於佛住德謂佛無功用常住聖天梵住故文中先二世佛讚文通前後二段從諸佛力下正顯其義謂入一切佛境卽聖天等所住境也淨眼現證下明能住相十眼圓明而安住故文有五眼餘但義含。

成菩提心趣勝丈夫於諸境界無有障礙入智種性出生諸智離世生法而現受生神通變化方便調伏如是一切無非善巧。

疏第四成菩提心下明得佛平等德謂佛佛相望有三平等故文卽爲三初明所依平等諸佛皆依清淨智故文中始發菩提心終成種智出生智用皆所依也次離世生法下明意樂平等同以調生爲意樂故後神通變化下作業平等同作受用變化業故。

功德解欲悉皆清淨最極微妙具足圓滿智慧廣大猶如虛空善能觀察眾聖境界信行願力堅固不動功德無盡世所稱歎於一切佛所觀之藏大菩提處一切智海集衆妙寶爲大智者猶如蓮華自性清淨。

衆生見者皆生歡喜咸得利益。智光普照見無量佛淨一切法。

疏第五功德解欲下明到無障處德以修一切障對治故福智皆淨離於二障文中初二句功德次二句智慧各上句障淨下句德滿次一句重顯功德餘四句重顯智慧。

所行寂靜於諸佛法究竟無礙恒以方便住佛菩提功德行中而得出生具菩薩智爲菩薩首一切諸佛共所護念得佛威神成佛法身念力難思於境一緣而無所緣其行廣大無相無礙等於法界無量無邊

所證菩提猶如虛空無有邊際無所縛著。

疏第六所行寂靜下明不可轉法德謂教證二法他不能轉文中初二句畧標教證謂寂靜證也諸佛法教也恒以下別顯教念力下重顯證既如空無著等他安能轉耶。

於諸世間普作饒益一切智海善根所流悉能通達無量境界已善成就清淨施法住菩薩心淨菩薩種能隨順生諸佛菩提於諸佛法皆得善巧具微妙行成堅固力。

疏第七於諸世間下明所行無礙德謂雖於世間

作利樂事。世間八法不能礙故。文中住菩薩心。成堅固力等。卽不礙之因也。

一切諸佛自在威神。衆生難聞。菩薩悉知。入不二門。住無相法。雖復永捨一切諸相。而能廣說種種諸法。隨諸衆生心樂欲解。悉使調伏。咸令歡喜。

疏第八一切諸佛下。明立不思議德。謂安立正法。凡愚不能思故。文中初總顯一切教法。皆是如來威力之所建立。菩薩能知。反顯凡夫不思入不二下。別顯安立難思之相。謂依無相而廣說故。隨欲解之多端。故並難思也。

法界爲身。無有分別。智慧境界。不可窮盡。志常勇猛。心恒平等。見一切佛功德邊際。了一切劫差別次第。疏第九法界爲身下。明普見三世。以身心等於法界。故於三世事記別無差在文可見。

開示一切法。安住一切利嚴淨。一切諸佛國土。顯現一切正法光明。演去來今一切佛法。示諸菩薩所住之處。爲世明燈。生諸善根。永離世間。常生佛所。

疏第十開示一切法下。明身恒充滿一切國土。謂爲開法故。示現受用變化之身。徧諸世界。而爲利樂。文相亦顯。

撰述

華嚴疏鈔卷四

三

得佛智慧。明了第一。一切諸佛。皆共攝受。已入未來諸佛之數。從諸善友而得出生。所有志求。皆無不果。

疏第十一。得佛智慧下。明智恒明。達一切諸法。謂於境善決。能斷他疑。故文相亦顯。

具大威德。住增上意。隨所聽聞。咸能善說。

疏第十二。具大威德下。明了一切行。謂具增上意樂。能了有情意樂性行。如其所應而爲現身。卽有威德。

亦爲開示聞法善根。在實際輪。於一切法心無障礙。不捨諸行。離諸分別。

疏第十三。亦爲開示下。明除一切疑。謂聲聞人言其全無少分善根。今能開示。令其知當生如來妙智故。心無障礙。

於一切法心無動念。得智慧明。滅諸癡闇。悉能明照。一切佛法。不壞諸有。而生其中。了知一切諸有境界。從本已來。無有動作。身語意業。皆悉無邊。

疏第十四。於一切法心無動下。明無能測身。然有一二義。一謂其身非虛妄分別所起。無煩惱業生離染。故不可測。初一行經顯之。二其身雖無分別。如摩尼珠。然由佛增上。及衆生勝解力。見金色等。而

撰述

華嚴疏鈔卷四十三

珍

佛無有分別。卽不壞諸有下。經文顯之。  
 雖隨世俗演說種種無量文字。而恒不壞離文字法。  
 深入佛海。知一切法但有假名。於諸境界無繫無著。  
 疏第十五雖隨世俗下明一切菩薩等所求智。謂  
 菩薩以無量文字調伏有情。要依佛所聞法爲先。  
 一獲得妙智。故諸菩薩等皆求也。文相甚顯。

了一切法空無所有。所修諸行從法界生。

疏第十六了一切法下。明到佛無二究竟彼岸。謂  
 了一切法空法界等。卽佛無二法身。依此法身修  
 波羅蜜多等行而得圓滿。爲從法界生。

猶如虛空無相無形。深入法界隨順演說。於一境門  
 生一切智。

疏第十七猶如虛空下。明具足如來平等解脫。謂  
 一一如來所現身土皆徧法界。猶如虛空無相無  
 形。不相障礙。而不相雜。隨其化緣現各別故。故文  
 云隨順演說於一境門。生一切智慧。各順一一境  
 故。

觀十力地以智修學。智爲橋梁。至薩婆若。以智慧眼  
 見法無礙。善入諸地。

疏第十八觀十力地下。卽證無中邊佛平等。地謂

撰述

華嚴疏鈔卷四十一

三

三種佛身。平等徧滿。無有中邊之異。故至菩薩若。卽自受用。智爲橋梁。卽通變化。見法無礙。卽是法身。結云。善入諸地者。卽佛十地也。

知種種義。一一法門。悉得明了。

疏第十九知種種下。明盡於法界。謂此法界。最清淨。故能起等流契經等法。極此法界。於當來世。作諸有情。隨應利樂。今文但有所起。畧無能起。

所有大願靡不成就。

疏第二十所有大願靡不成就。卽等虛空界。窮未來際。無有盡故。方云成就。上來畧辨。若廣引諸論。

如升兜率品。

佛子。菩薩摩訶薩。以此開示一切如來無差別性。此是無礙方便之門。此能出生菩薩衆會。此法唯是三昧境界。此能勇進入薩婆若。此能開顯諸三昧門。此能無礙普入諸刹。此能調伏一切衆生。此能住於無衆生際。此能開示一切佛法。此於境界皆無所得。

疏第三佛子以此開不下。顯德勝能中二。初總明後。雖一切下。別顯今初先標。謂用此會事之德。開示佛平等性者。同有二十一種功德故。後此是下。總歎前德。

枝那

華嚴疏鈔卷四十一

三

參

雖一切時演說開示而恒遠離妄想分別。雖知諸法皆無所作而能示現一切作業。雖知諸佛無有二相而能顯示一切諸佛。雖知無色而演說諸色。雖知無受而演說諸受。雖知無想而演說諸想。雖知無行而演說諸行。雖知無識而演說諸識。恒以法輪開示一切。雖知法無生而常轉法輪。雖知法無差別而說諸差別門。雖知諸法無有生滅而說一切生滅之相。雖知諸法無龜無細而說諸法龜細之相。雖知諸法無上中下而能宣說最上之法。雖知諸法不可言說而能演說清淨言辭。雖知諸法無內無外而說一切內

外諸法。雖知諸法不可了知而說種種智慧觀察。雖知諸法無有真實而說出離真實之道。雖知諸法畢竟無盡而能演說盡諸有漏。雖知諸法無違無諍然亦不無自他差別。雖知諸法畢竟無師而常尊敬一切師長。雖知諸法不由他悟而常尊敬諸善知識。雖知法無轉而轉法輪。雖知法無起而示諸因緣。雖知諸法無前際而廣說過去。雖知諸法無有後際而廣說未來。雖知諸法無有中際而廣說現在。雖知諸法無有作者而說諸作業。雖知諸法無有因緣而說諸集因。雖知諸法無有等比而說平等不平等道。雖

知諸法無有言說。而決定說三世之法。雖知諸法無有所依。而說依善法而得出離。雖知法無身。而廣說法身。雖知三世諸佛無邊。而能演說。唯有一佛。雖知法無色。而現種種色。雖知法無見。而廣說諸見。雖知法無相。而說種種相。雖知諸法無有境界。而廣宣說智慧境界。雖知諸法無有差別。而說行果種種差別。雖知諸法無有出離。而說清淨諸出離行。雖知諸法本來常住。而說一切諸流轉法。雖知諸法無有照明。而恒廣說照明之法。

疏一別顯中。餘九不言。且廣初無礙之義。自有四

十一句。初句有不礙無以有是無之有故。後四十句明無不礙。有以無是有之無故。又前是一二。而不二。後是不二而二。及寂用相卽等。並顯可知。

佛子菩薩摩訶薩入如是大威德三昧智輪。則能證得一切佛法。則能趣入一切佛法。則能成就。則能圓滿。則能積集。則能清淨。則能安住。則能了達。與一切法。自性相應。

疏第二佛子菩薩入如是下。證入諸法用中。四初明證入。二離證相。三徵四釋。今初十句。初句明能證之定。三昧智輪。尚順梵語。若正應云。智輪三

撰述

華嚴疏鈔卷四十三

昧。因定最勝。名大威德。則能下顯所證法。謂證佛果法。初句總無爲果爲證。有爲果曰得。餘句別趣入釋證成。就釋得圓滿通。一積集約因圓清淨。謂障盡。定能安住。慧能了達。定慧兩亡。則自性相應爲證入也。

而此菩薩摩訶薩。不作是念。有若干諸菩薩。若干菩薩法。若干菩薩究竟。若干幻究竟。若干化究竟。若干神通成就。若干智成就。若干思惟。若干證入。若干趣向。若干境界。

疏二。而此下明離證相。以無念方證故。尚不念無

礙慧境。况所證法。有若干耶。

何以故。

疏三。徵意有二。一。何以證而無念耶。二。何以一定多果耶。三。何以因定得果法耶。

菩薩三昧。如是體性。如是無邊。如是殊勝故。

疏四。釋中二。初畧別釋。後此三昧下廣以通釋。今初別釋三徵。一體性離念故。二定體雖一。用無邊故。三以殊勝故。因得果法。

此三昧種種境界。種種威力。種種深入。

疏後廣通釋者。謂文廣義通。通明上三句。於中二。

撰述

華嚴疏金卷四十三

先總標境是定之所緣。深入是定證契。威力是定之用。三皆定體。皆言種種。故上云無邊具三。又多故云殊勝。

所謂入不可說智門。入離分別諸莊嚴。入無邊殊勝波羅蜜。入無數禪定。入百千億那由他。不可說廣大智。入見無邊佛勝妙藏。入於境界不休息。入清淨信解助道法。入諸根猛利大神通。入於境界心無礙。入見一切佛平等眼。入積集普賢勝志行。入住那羅延妙智身。入說如來智慧海。入起無量種自在神變。入生一切佛無盡智門。入住一切佛現前境界。入淨普

賢菩薩自在智。入開示無比普門智。入普知法界一切微細境界。入普現法界一切微細境界。入一切殊勝智光明。入一切自在邊際。入一切辯才法門際。入偏法界智慧身。入成就一切處偏行道。入善住一切差別三昧。入知一切諸佛心。

疏後所謂下別顯。有二十八句。句皆有上三義。如初句入。卽深入義。不可說等。卽無邊義。智門。卽境界義。其間或有關無邊義。蓋文畧耳。知智在說。說爲智門。一入功德智慧不二之莊嚴。六入不空。如來藏。七悲智之境。觀度無休。餘可知。

佛子。此菩薩摩訶薩住普賢行。念念入百億不可說三昧。然不見普賢菩薩三昧。及佛境界莊嚴前際。疏第三佛子此菩薩住普賢下。普德無盡於中四一正顯無盡謂非唯上列諸用。又能念念入多三昧。亦不能盡。

何以故。

疏二微微意云。既念念入多。何以不盡。

知一切法究竟無盡故。知一切佛刹無邊故。知一切衆生界不思議故。知前際無始故。知未來無窮故。知現在盡虛空徧法界無邊故。知一切諸佛境界不可

思議故。知一切菩薩行無數故。知一切諸佛辯才所說境界不可說無邊故。知一切幻心所緣法無量故。疏二釋意云。此三昧緣境究竟無盡故。文有十句。初總餘別並可知。

佛子。如如意珠。隨有所求。一切皆得。求者無盡。意皆滿足。而珠勢力終不匱止。菩薩摩訶薩亦復如是。入此三昧。知心如幻出生。一切諸法境界周徧無盡。不匱不息。何以故。菩薩摩訶薩成就普賢無礙行智。觀察無量廣大幻境。猶如影像。無增減故。

疏四喻。况於中有三喻。喻前無盡各有喻合。前二

合中復加徵釋。一如意隨求喻。喻定心隨應。出法無盡。徵意云。何以出法無盡不匱息耶。釋意云。一多幻境皆同影像。緣至則生。何有盡耶。體無增減。何有匱息耶。

佛子。譬如凡夫。各別生心。已生現生。及以當生。無有邊際。無斷無盡。其心流轉。相續不絕。不可思議。菩薩摩訶薩。亦復如是。入此普幻門。三昧無有邊際。不可測量。何以故。了達普賢菩薩普幻門無量法故。

疏一生心各別喻。喻緣境無盡可知。

佛子。譬如難陀跋難陀摩那斯龍王。及餘大龍。降雨。

之時滴如車軸無有邊際雖如是雨雨終不盡此是諸龍無作境界

疏二龍王降雨喻。喻入法無盡於中初喻後合

菩薩摩訶薩亦復如是。住此三昧。入普賢菩薩諸三昧門。智門法門。見諸佛門。往諸方門。心自在門。加持門。神變門。神通門。幻化門。諸法如幻門。不可說不可說。諸菩薩充滿門。親近不可說。不可說。佛刹微塵數。如來正覺門。入不可說。不可說。廣大幻網門。知不可說。不可說。差別廣大佛刹門。知不可說。不可說。有體性無體性世界門。知不可說。不可說。衆生想門。知不

撰述

華嚴疏錄卷四十三

三

可說不可說時劫差別門知不可說不可說世界成壞門知不可說不可說覆住仰住諸佛刹門。

疏合中分三初正明入法合滴如車軸謂入廣大法故初句總智門下別皆云門者自他游入故幻網者一切皆幻互爲緣起相交映故世界性空故無體隨緣染淨故有體又法性土故有體事土從緣故無體又淨刹順理故有體染刹妄成故無體餘可知。鈔世界性空下釋經有體性無體性世界門文有三釋一雙約事理明謂緣生故有無性故空義卽法性宗一義義亦無相宗義二云又法

性土故有體者亦約性相而舍二宗之義若就法性宗釋性上取空義相上取有義今性上取有義相上取空義謂緣生故空義若共二宗釋者法性有體是法相宗義事土無體是法性宗義然可會通故今通用三又淨刹順理下唯就相土以明有體無體之義淨順於理是事淨順上法性土染刹妄成卽從緣無性義又第二義亦順瓊珞仁王三賢十聖住果報唯佛一人居淨土三賢十聖忍中行唯佛一人能盡源亦順涅槃空者所謂生死不空者謂大涅槃餘義如前後說也其一品內更有

撰述

華嚴疏金卷四十三

三

珍

文義皆前後已。有故不委示。

於一念中皆如實知。

疏二於一念下。入法時分。合前降雨之時。

如是入時。無有邊際。無有窮盡。不疲不厭。不斷不息。無退無失。於諸法中。不住非處。恒正思惟。不沉不舉。

疏三如是入時下。明入時相用。合前無邊無盡。無作境界。於中三初十句。明其相狀。次求一切智下。明其業用。三徵釋所由。今初初二句。合雲無邊雨無盡。不疲下。合無作境。無作卽無功用故。身不疲。心不厭。不永斷。不斃息。未入常入故不退。已入永有斷絕。

常故不失。無法非所入門。故不住非處。無心不契。故恒正思惟。不沉不舉。正是入相。

求一切智。常無退捨。爲一切佛刹照世明燈。轉不可說。不可說法輪。以妙辯才。諮問如來無窮盡時。示成佛道。無有邊際。調伏衆生。恒無廢捨。常勤修習。普賢行願。未曾休息。示現無量。不可說。不可說。色相身。無有斷絕。

疏一業用者。隨入一一門。皆有斯業門。門卽不可盡。文顯可知。

何以故。

撰述

聖賢疏金卷四十二

三

疏三徵釋中。徵意有一二。一云菩薩豈無行滿成佛。何以業用無際限耶。二云說橫顯無盡可爾。何以一一門中用卽無盡。

譬喻然火。隨所有緣於爾所時。火起不息。

疏後釋意亦一二。云菩薩本爲衆生生無盡。故用亦無盡。一釋後意云。生及世界旣如虛空。故隨一門卽用無盡。如芥子中空。由此不但一門成多。一念亦能成多事矣。文中二初喻明火隨薪緣。薪多火在喻菩薩生界緣廣。用無有涯。

菩薩摩訶薩亦復如是。觀察衆生界法界世界。猶如虛空無有邊際。乃至能於一念之頃。往不可說。不可說。佛刹微塵數。佛所一一佛所。入不可說。不可說。一切智種種差別法。令不可說。不可說。衆生界出家爲道。勤修善根。究竟清淨。令不可說。不可說。菩薩於普賢行願未決定者。而得決定。安住普賢智慧之門。以無量方便入不可說。不可說。三世成住壞廣大差别劫。於不可說。不可說。成住壞世間差別境界。起於爾所大悲大願。調伏無量一切衆生。悉使無餘。

疏次合可知。

何以故。此菩薩摩訶薩爲欲度脫一切衆生。修普賢

撰述

華嚴疏卷四十三

三

五

行。生普賢智。滿足普賢所有行願。

疏後轉徵釋。徵意云。菩薩何以起多業用。釋意云。爲普度生。滿普願故。

是故諸菩薩應於如是種類。如是境界。如是威德。如是廣大。如是無量。如是不思議。如是普照明。如是一切諸佛現前住。如是一切如來所護念。如是成就住。昔善根。如是其心無礙。不動三昧之中。

疏第四是故諸菩薩下。結示勸修中一。初結勸勤修。二佛子至如是修行普賢行下。總結顯示。今初謂菩薩心窮生界。定用無涯。故應修習文中一二。初

舉所修之法。後勤加下。示勸修相。今初是故諸菩薩五字。該下二段。其所修法有十一句。末後一句。舉定名體。前之十句。別明無礙輪之業用。於中倒牒。前來諸文。初種類者。業用非一故。如合龍喻。中入法衆多。是種類義。一境界者。卽定所緣。如前妄念緣境。喻二威德者。卽通顯定用。如前珠能出生喻。四此上三種皆悉廣大。一一無涯。如前不見三昧前際。故五數不可極。如前入不可說智門等。卽無邊故。六並絕心言。如前不作是念。有若干菩薩等故。七皆與智俱。如前雖知諸法無作而能示。

撰述

華嚴疏抄卷四十三

現一切作業。是權實明照故。八體用齊於佛境。則諸佛現前。如前觀十力地。至薩婆若故。九。如來護念。如前諸佛攝受已。入未來諸佛數故。十。非但現用自在。亦成昔善。如前功德解欲悉清淨故。勤加修習。離諸熱惱。無有疲厭。心不退轉。立深志樂。勇猛無怯。順三昧境界。入難思智地。

疏第二示修相中二初畧示離過進德。  
不依文字。不著世間。不取諸法。不起分別。不染著世事。不分別境界。

疏後不依下別示離過進德於中先離過。

於諸法智。但應安住。不應稱量。所謂親近一切智。悟解佛菩提。成就法光明。施與一切衆生。善根於魔界中。拔出衆生。令其得入佛法境界。令不捨大願。勤觀出道。增廣淨境。成就諸度。於一切佛。深生信解。常應觀察。一切法性。無時暫捨。應知自身與諸法性。普皆平等。應當明解世間所作。示其如法。智慧方便。應常精進。無有休息。應觀自身。善根鮮少。應勤增長。他諸善根。應自修行。一切智道。應勤增長。菩薩境界。應樂親近諸善知識。應與同行而共止住。應不分別佛。應不捨離念。應常安住平等法界。應知一切心識如幻。

撰述

華嚴疏金卷四十三

應知世間諸行如夢。應知諸佛願力出現猶如影像。應知一切諸廣大業猶如變化。應知言語悉皆如響。應觀諸法一切如幻。應知一切生滅之法皆如音聲。應知所在一切佛利皆無體性。應爲請問如來佛法不生疲倦。應爲開悟一切世間勤加教誨而不捨離。應爲調伏一切衆生知時說法而不休息。

疏後於諸法下進德文並可知。

佛子。菩薩摩訶薩。如是修行普賢之行。如是圓滿菩薩境界。如是通達出離之道。如是受持三世佛法。如是觀察一切智門。如是思惟不變異法。如是明潔增

上志樂。如是信解一切如來。如是了知佛廣大力。如是決定無所礙心。如是攝受一切衆生。

疏第二總結顯示者遠亦通結前來諸段。近則逆結上來進德之文。欲一一配屬。恐厭繁文。鈔近則逆結下。前經從於諸法智。但應安住不應量下。是進德文。今有十一初一後一。即是總意初句。明前皆普賢行。末後明前皆爲攝生中間九句。攝前進德。卽爲九段。一如是圓滿菩薩境界。卽前經云應爲請問如來佛法下三句。以三句中初一上求佛道法。一下化衆生。皆是菩薩之境界故。二如是

撰述

華嚴疏卷四十三

三

通達出離之道。卽前應觀諸法。一切如幻下三句。  
 如幻如聲皆無體性是出離法故。三如是受持三  
 世佛法。卽前應知諸佛力下三句。四如是觀察一  
 切智門。卽前應常安住平等法界下三句。五如是  
 思惟不變異法。卽前應不分別佛下一句。六如是  
 明潔增上志樂。卽前應當明解世間所作下七句。  
 七句皆增上志樂故。七如是信解一切如來。卽前  
 於一切佛深生信解下三句。八如是了知佛廣大  
 力。卽前於魔境界中拔出衆生下至成就諸度四  
 句。九如是決定心無所礙。卽前所謂親近一切智  
 眼。九如是決定心無所礙。卽前所謂親近一切智

下四句。末句如是總結攝生已如前釋。對前諸段  
 類取耳。

佛子菩薩摩訶薩入普賢菩薩所住如是大智慧三  
 明時。

疏大文第三定滿成益文屬此定意兼前九於中  
 四。一外感佛加益。二內德圓滿益。三上攝佛果益。  
 四正同佛果益。初中五一辨加所依。謂在定時故。  
 十方各有不可說不可說國土。一一國土各有不可  
 說不可說佛刹微塵數如來名號。一名號各有不  
 可說不可說佛刹微塵數諸佛而現其前。

撰述

華嚴疏金卷四十二

三

疏二十方下顯能加者。

與如來念力令不忘失如來境界。與一切法究竟慧令入一切智。與知一切法種種義決定慧。令受持一切佛法。趣入無礙與無上佛菩提。令入一切智開悟法界。與菩薩究竟慧。令得一切法光明無諸黑闇。與菩薩不退智。令知時非時善巧方便調伏衆生。與無障礙菩薩辨才。令悟解無邊法演說無盡。與神通變化力。令現不可說不可說。差別身無邊色相種種不同。開悟衆生。與圓滿聲音。令現不可說不可說。差別音聲種種言辭開悟衆生。與不唐捐力。令一切衆生。

若得見形若得聞法皆悉成就無空過者。

疏三與如來下正顯加相。

佛子。菩薩摩訶薩。如是滿足普賢行故。得如來力。淨出離道。滿一切智。以無礙辨才。神通變化。究竟調伏一切衆生。具佛威德。淨普賢行。住普賢道。盡未來際。爲欲調伏一切衆生。轉一切佛微妙法輪。

疏四佛子菩薩下。加以成用文並可知。

何以故。佛子此菩薩摩訶薩。成就如是殊勝大願諸菩薩行。則爲一切世間法師。則爲一切世間法日。則爲一切世間智月。則爲一切世間須彌山王。巍然高

撰述

聖嚴正金卷四十三

三

出堅固不動。則爲一切世間無涯智海。則爲一切世間王法明燈普照。無邊相續不斷。爲一切衆生開示。無邊清淨功德。皆令安住功德善根。順一切智大願平等。修習普賢廣大之行。常能勸發無量衆生住不可說不可說廣大行三昧。現大自在。

疏五何以下。徵釋所由。徵意云。普行既滿。何須盡未來際行調生行耶。釋意云。無障礙願。法應爾故。已成大願。真能調故。

佛子。此菩薩摩訶薩獲如是智。證如是法。於如是法審住明見。得如是神力。住如是境界。現如是神變。起如是神通。常安住大悲。常利益衆生。開示衆生安隱。正道建立福智大光明幢。證不思議解脫。住一切智解脫。到諸佛解脫彼岸。學不思議解脫方便門。已得成就入法界差別門。無有錯亂。於普賢不可說不可說三昧遊戲自在。住師子奮迅智。心意無礙。

疏第二。佛子。此菩薩獲如是下。內德圓滿益中。四初牒前住定之因圓通牒上文。並顯可知。

其心恒住十大法藏。何者爲十。所謂住憶念。一切諸佛住憶念。一切佛法。住調伏。一切衆生大悲。住示現。不思議清淨國土。智住深入諸佛境界。決定解。住去

撰述

華嚴疏金卷四十三

來現在一切佛平等相菩提。住無礙無著際。住一切法無相性。住去來現在一切佛平等善根。住去來在一切如來法界無差別身語意業先導智。住觀察三世一切諸佛受生出家詣道場成正覺轉法輪般涅槃悉入剎那際佛子。此十大法藏廣大無量。不可數。不可思。不可思。不可思。不可思。無窮盡難忍受。一切世智無能稱述。

疏一其心恒住下別示所滿十表無盡。  
佛子此菩薩摩訶薩已到普賢諸行彼岸。證清淨法志力廣大開示衆生無量善根增長菩薩一切勢力。

於念念頃滿足菩薩一切功德成就菩薩一切諸行得一切佛陀羅尼法受持一切諸佛所說雖常安住眞如實際而隨一切世俗言說示現調伏一切衆生疏三佛子此菩薩至已到普賢下總結究竟何以故。菩薩摩訶薩住此三昧法如是故。

疏四何以下徵釋所由徵意云菩薩何以能滿爾所德耶釋意可知。

佛子菩薩摩訶薩以此三昧得一切佛廣大智。得巧說一切廣大法自在辨才。得一切世中最爲殊勝清淨無畏法。得入一切三昧智。得一切菩薩善巧方便。

撰述

華嚴疏金卷四十三

得一切法光明門。到安慰一切世間法彼岸。知一切衆生時非時照十方世界一切處令一切衆生得勝智。作一切世間無上師安住一切諸功德開示一切衆生清淨三昧令入最上智。

疏第三佛子至以此三昧下上攝佛果益中三初正明。

何以故。菩薩摩訶薩如是修行。則利益衆生。則增長大悲。則親近善知識。則見一切佛。則了一切法。則詣一切刹。則入一切方。則入一切世。則悟一切法平等性。則知一切佛平等性。則住一切智平等性。

疏次何以故徵。徵意云。上是佛德。何能攝耶。後菩薩下釋意云。住此三昧。能所作無餘。同如來。故於中三初正顯無餘之業。故皆云一切。

於此法中。作如是業。不作餘業。住未足心。住不散亂心。住專一心。住勤修心。住決定心。住不變異心。如是思惟。如是作業。如是究竟。

疏一於此法中下。明作業行相。初句總顯依前而作。更不作餘不足之業。住未足等。顯其作義。如是已下總結前作。

佛子。菩薩摩訶薩無異語。異作有如語如作。

撰述

華嚴疏卷四十三

三

三

疏三佛子下逐難重釋謂廣前作如是業不作餘業文中三初畧標舉其中如作通身及意

何以故譬如金剛以不可壞而得其名終無有時離於不壞菩薩摩訶薩亦復如是以諸行法而得其名終無有時離諸行法

疏次徵微意云何以不作餘耶後廣釋意云若作異前非菩薩故文有十喻卽爲十段各自有合一金剛不壞喻喻行體堅牢

譬如真金以有妙色而得其名終無有時離於妙色菩薩摩訶薩亦復如是以諸善業而得其名終無有

時離諸善業

疏二真金妙色喻喻善業外飾

譬如日天子以光明輪而得其名終無有時離光明輪菩薩摩訶薩亦復如是以智慧光而得其名終無有時離智慧光

疏三日輪光明喻喻智慧圓明

譬如須彌山王以四寶峯處於大海迥然高出而得其名終無有時捨離四峯菩薩摩訶薩亦復如是以諸善根處在於世迥然高出而得其名終無有時捨離善根

撰述

孝廣疏金卷四十一

三

疏四須彌四峯喻。喻善根超出。不合四峯。若合可以四菩薩行合也。

譬如大地以持一切而得其名。終無有時捨離能持。菩薩摩訶薩亦復如是以度一切而得其名。終無有時捨離大悲。

疏五大地能持喻。喻大悲荷負。

譬如大海以含衆水而得其名。終無有時捨離於水。菩薩摩訶薩亦復如是以諸大願而得其名。終不暫捨度衆生願。

疏六大海含水喻。喻大願普育。

譬如軍將以能慣習戰鬪之法而得其名。終無有時捨離此能。菩薩摩訶薩亦復如是以能慣習如是三昧而得其名。乃至成就一切智智。終無有時捨離此行。

疏七軍將明戰喻。喻習定防窓。

如轉輪王馭四天下。常勤守護一切衆生。令無橫熾。恒受快樂。菩薩摩訶薩亦復如是。入如是等諸大三昧。常勤化度一切衆生。乃至令其究竟清淨。

疏八輪王護世喻。喻定清物感。

譬如種子植之於地。乃至能令莖葉增長。菩薩摩訶

撰述

華嚴疏錄卷四十三

薩亦復如是修普賢行乃至能令一切衆生善法增長。

疏九植種生長喻。喻行增物善。

譬如大雲於夏暑月降霆大雨乃至增長一切種子。疏十時雨生種喻。喻法雨普成先喻後合。

菩薩摩訶薩亦復如是入如是等諸大三昧修菩薩行雨大法雨乃至能令一切衆生究竟清淨究竟涅槃究竟安隱究竟彼岸究竟歡喜究竟斷疑爲諸衆生究竟福田令其施業皆得清淨令其皆住不退轉道令其同得一切智智令其皆得出離三界令其皆得究竟之智令其皆得諸佛如來究竟之法置諸衆生一切智處。

疏合中二先正合後徵釋前中云乃至者越初生種直合終成故曰應時而降故獲斯十四種益一得智果淨二障故二得斷果達無相法故三得恩果住大悲故四得所依清淨究竟彼岸果上四自利餘皆利他五了有情行令他歡喜自離十怖則自歡喜六得斷疑七成應供次下諸句由此而成文並可知。

何以故菩薩摩訶薩成就此法智慧明了入法界門。

撰述

華嚴疏錄卷四十三

三

三

能淨菩薩不可思議無量諸行。

疏後徵釋中徵意云菩薩依何行力說法成斯大益釋意云由成大智證法界故尚能淨無量行豈止成衆生耶文中二初標後所謂下釋。

所謂能淨諸智求一切智故能淨衆生使調伏故能淨刹土常迴向故能淨諸法普了知故能淨無畏無怯弱故能淨無礙辨巧演說故能淨陀羅尼於一切法得自在故能淨親近行常見一切佛與世故。

疏二釋中三初列所淨功德。

佛子菩薩摩訶薩住此三昧得如是等百千億那由

他不可說不可說清淨功德。

梁上清淨華藏淨焰輪

疏二佛子下結其廣多以別說難盡故。於是等三昧境界得自在故一切諸佛所加被故。自善根力之所流故入智慧地大威力故諸善知識引導力故摧伏一切諸魔力故同分善根淳淨力故廣大誓願欲樂力故所種善根成就力故超諸世間無盡之福無對力故。

疏三於如是等下顯能淨因同分善根者一一善根迴向法界成王伴故超諸世間等者法性相應所修之福故超於世法性不並真故無有對餘並

撰述

華嚴疏金卷四

三

易了。

佛子。菩薩摩訶薩。住此三昧。得十種法。同去來。今一切諸佛。何者爲十。所謂得諸相好種種莊嚴。同於諸佛。能放清淨大光明網。同於諸佛。神通變化調伏衆生。同於諸佛。無邊色身清淨圓音。同於諸佛。隨衆生業現淨佛國。同於諸佛。一切衆生所有語言。皆能攝持。不忘不失。同於諸佛。無盡辨才。隨衆生心。而轉法輪。令生智慧。同於諸佛。大師子吼。無所怯畏。以無量法開悟羣生。同於諸佛。於一念頃。以大神通。普入三世。同於諸佛。普能顯示。一切衆生。諸佛莊嚴。諸佛威

### 力諸佛境界同於諸佛。

疏第四。佛子。菩薩摩訶薩。住此三昧下。正同佛果。益於中二。初正顯同。有標徵及列等覺之名。由此而立。

爾時。普眼菩薩白普賢菩薩言。佛子。此菩薩摩訶薩得如是法。同諸如來。

疏。一。爾時。普眼下。問答料棟。於中先問後答。問中先牒前同佛。

何故不名佛。何故不名十力。何故不名一切智。何故不名一切法中得菩提者。何故不得名爲普眼。何故

撰述

華嚴疏金卷四

不名一切境中無礙見者。何故不名覺一切法。何故不名與三世佛無二住者。何故不名住實際者。何故修行普賢行願猶未休息。何故不能究竟法界捨菩薩道。

疏後何以下陳已所疑於中初疑不名爲果後問不捨於因。

爾時普賢菩薩告普眼菩薩言。善哉佛子。如汝所言。若此菩薩摩訶薩同一切佛。以何義故不名爲佛。乃至不能捨菩薩道。

疏後爾時普賢下答中二初讚問牒疑。

佛子。此菩薩摩訶薩已能修習去來今世一切菩薩種種行願入智境界則名爲佛。於如來所修菩薩行無有休息說名菩薩如來諸力皆悉已入則名十力雖成十力行普賢行而無休息說名菩薩知一切法而能演說名一切智。雖能演說一切諸法於一一法善巧觀察展轉增勝無有休息說名菩薩已能明見普眼境界說名普眼。雖能證得普眼境界念念增長未曾休息說名菩薩於一切法悉能明照離諸閻障。

撰述

華嚴疏金卷四十三

三

珍

名無礙見。常勤憶念無礙見者。說名菩薩已得諸佛智慧之眼。是則說名覺一切法觀。諸如來正覺智眼而不放逸說名菩薩住佛所住與佛無二說名與佛無二住者爲佛攝受修諸智慧說名菩薩常觀一切世間實際是則說名住實際者。雖常觀察諸法實際而不證入亦不捨離說名菩薩不來不去無同無異此等分別悉皆永息是則說名休息願者廣大修習圓滿不退則名未息普賢願者了知法界無有邊際一切諸法一相無相是則說名究竟法界捨菩薩道雖知法界無有邊際而知一切種種異相起大悲心。

度諸衆生盡未來際無有疲厭是則說名普賢菩薩疏後佛子此菩薩下正答所問於中三一法說一喻況三法合今初十一段次第答前十一問在文易了意猶難見謂何得已入十力而普行無息耶今總以喻顯如人習誦雖已得通而數溫習不如久精下香象喻顯相雖相似而體不同故瓔珞云等覺照寂妙覺寂照亦似功用滿位比無功用也亦顯得果不捨因盡未來際皆位後普賢故。

佛子譬如伊羅鉢那象王住金勝山七寶窟中其窟周圍悉以七寶而爲欄楯寶多羅樹次第行列真金

撰述

華嚴疏錄卷四十三

羅網彌覆其上。象身潔白。猶如珂雪。上立金幢。金爲  
瓔珞。寶網覆鼻寶鈴垂下。七支成就。六牙具足。端正  
充滿。見者欣樂。調良善順。心無所逆。

疏喻中三。一舉象王依正勝巖伊羅鉢那此云香  
葉常居第一金山之脅。

若天帝釋將欲遊行。爾時象王卽知其意。便於寶窟  
而沒其形。至忉利天釋主之前。以神通力種種變現。  
令其身有三十三頭。於一一頭化作七牙。於一一牙  
化作七池。一一池中有七蓮華。一一華中有七彩女。  
一時俱奏百千天樂。是時帝釋乘茲寶象。從難勝殿

往詣華園芬陀利華徧滿其中。是時帝釋至華園已。  
從象而下。入於一切寶莊嚴殿。無量妓女以爲侍從。  
歌詠妓樂。受諸快樂。爾時象王復以神通隱其象形。  
現作天身。與三十二天及諸妓女於芬陀利華園之  
內歡娛戲樂。所現身相光明衣服。往來進止。語笑觀  
瞻。皆如彼天等無有異。無能分別。此象此天象之與  
天更互相似。

疏二。若天帝下明象王神變自在。言七牙者。準賢  
首品但有六牙。或是譯者類後三七。便言七耳。若  
作表義。于何不可。無能分別此象此天者。正意取

撰述

華嚴疏金卷四

四

此以喻菩薩等佛之義。佛子。彼伊羅鉢那象王於金勝山七寶窟中。無所變化。至於三十二天之上。爲欲供養釋提桓因。化作種種諸可樂物。受天快樂。與天無異。

疏三佛子。彼伊羅下。明不壞本而能現。佛子。菩薩摩訶薩亦復如是。修習普賢菩薩行願。及諸三昧。以爲衆寶莊嚴之具。七菩提分爲菩薩身。所放光明。以之爲網。建大法幢。鳴大法鐘。大悲爲窟。堅固大願。以爲其牙。智慧無畏。猶如師子。法繒繫頂。開示秘密。到諸菩薩行願彼岸。

疏第三法合中分四。一具衆行嚴。合前依正。二爲欲安處下。明因果無碍。合前神變自在。二佛子。菩薩摩訶薩本身下。結成不壞因。而現果。合前不壞本。而能現。四何以故。下徵釋重合。初中可知。

爲欲安處菩提之座成一切智。得最正覺。增長普賢廣大行願。不退不息。不斷不捨。大悲精進。盡未來際。度脫一切苦惱衆生。

疏二中二。明修無礙行所爲。於中先爲果。後增長下爲因。

不捨普賢道。現成最正覺。

疏二不捨普賢下。正顯無礙行相於中先總明。以法界因果無障礙故。

現不可說不可說成正覺門。現不可說不可說轉法輪門。現不可說不可說住深心門。於不可說不可說廣大國土現涅槃變化門。

疏後現不可說下別顯於中分三初顯因門果行文有四果一智果二說法果三般若相應果四斷果。

於不可說不可說差別世界而現受生修普賢行。現不可說不可說如來於不可說不可說廣大國土菩

提樹下成最正覺。不可說不可說菩薩衆親近圍繞或於一念頃修普賢行而成正覺。或須更頃或於一時或於一日或於半月或於一月或於一年或無數年或於一劫。如是乃至不可說不可說劫修普賢行而成正覺。

疏次於不可說至而現受生下顯果從因行及說得時不同隨物現故。

復於一切諸佛刹中而爲上首。親近於佛頂禮供養。請問觀察如幻境界淨修菩薩無量諸行無量諸智種種神變種種威德種種智慧種種境界種種神通。

種種自在種種解脫種種法明。種種教化調伏之法。  
疏後復於一切下顯果門因行並可知。  
佛子菩薩摩訶薩本身不滅以行願力於一切處如  
是變現。

疏第三明不壞因而現果中本身不滅卽因不壞  
合在窟無變一切處變現卽能現果合在天神變  
何以故欲以普賢自在神力調伏一切諸衆生故令  
不可說不可說衆生得清淨故令其永斷生死輪故  
嚴淨廣大諸世界故常見一切諸如來故深入一切  
佛法流故憶念三世諸佛種故憶念十方一切佛法

及法身故普修一切菩薩諸行使圓滿故入普賢流  
自在能證一切智故。

疏四徵釋重合中先徵意云因果相違云何因門  
現果果復爲因釋意云調衆生法應如是故文中  
二初釋果作因意十句可知。

佛子汝應觀此菩薩摩訶薩不捨普賢行不斷菩薩  
道見一切佛證一切智自在受用一切智法說謂

疏後佛子汝應下釋因現果意於中四一法說謂  
不捨因而現果。

如伊羅鉢那象王不捨象身住三十三天爲天所乘

受天快樂作天遊戲承事天王與天妓女而作歡娛同於諸天無有差別。

疏二如伊羅下舉前喻顯。

佛子菩薩摩訶薩亦復如是不捨普賢大乘諸行不退諸願得佛自在具一切智證佛解脫無障無礙成就清淨於諸國土無所染著於佛法中無所分別雖知諸法普皆平等無有一相而恒明見一切佛土雖已等同三世諸佛而修菩薩行相續不斷疏三佛子下重以法合於中初明不捨因而現果後雖知諸法普皆平等下不壞果而現因。

佛子菩薩摩訶薩安住如是普賢行願廣大之法當知是人心得清淨。

疏四佛子至安住下歎勝上來釋相竟

佛子此是菩薩摩訶薩第十無礙輪大三昧殊勝心廣大智。

疏第三結名可知上來別釋十定竟。

佛子此是菩薩摩訶薩所住普賢行十大三昧輪。

疏最後佛子卽大文第三總結十數。

松陵信士吳錫疇自助并募銀七兩三錢六分刻此一卷願各獲如意同悟性海者

撰述

香樹齋金卷四

望

吳錫疇母親劉氏五錢 自助一兩 室人方氏  
 五錢 吳門許氏 吳門盛氏各一錢 室人方氏  
 李門黃氏 吳門蔣氏 載門沈氏各一錢  
 吳晉錫五錢 室人沈氏一錢  
 吳恪三錢 沈氏十文 張氏十文 石恩十文  
 莊榮五十文 徐開十文 王仁十文  
 吳慥二錢 童女引官一錢 揚門郁氏百文  
 吳士續十文 黃玄一錢 徐振元一錢  
 周綱全室吳氏二錢 盛明全室范氏一錢一分  
 盛如全室朱氏百文 郁門范氏五十文  
 賀萬辰一錢 烏程閔吉士全室吳氏三錢  
 卜祖學六錢六分 卜震生全室吳氏女安安三  
 錢  
 信人沈三益 吳之政各三錢 張大猷一錢  
 吳魁百文 楊枝芳三十文 吳清 包太  
 朱秀 楊雲 施恩各二十文 楊錦 領士各  
 十文

## 大方廣佛華嚴經疏鈔卷四十三 終



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二、四十六